

瑤

華

集

瑶華集卷二十一

荷葉杯 一首

竹枝 八首

字字雙 一首

十樣花 一首

黃金縷 一首

江南春 一首

玉連環影 一首

調笑令 二首

戀情深 一首

霜天曉角 平韻 一首

散餘霞 二首

繡帶兒 一首

占春芳 一首

巫山一段雲 一首

紅袖扶 一首

望仙樓 一首

秦娥點絳脣 一首

沙塞子 一首

春江路 一首

望遠行 一首

擷芳詞 一首

金錯刀 一首

逍遙樂 一首

一七令 一首

西江月 趙元父體 一首

散天花 一首

弄花雨 一首

浪打江城 一首

青玉案 張叔夏體 十首

賣花聲 一首

聲聲令 一首

如意令 一首

三奠子 二首

惜黃花 五首

鶯啼序 一首

送入我門來 一首

陽關引 一首

歎殘紅 一首

彩鳳飛 一首

喝馬一枝花 一首

離別難 一首

勸金船 一首

玉京秋 一首

秋浦雲 一首

滿江紅 平韻 一首

如魚水 一首

古香慢 一首

瀟瀟雨 一首

錦堂春 一首

被花惱 一首

應天長 一首

定風波 一首

鳳池春 一首

紫玉簫 一首

絳都春 一首

月下笛 一首

解語花 五首

換巢鸞鳳 二首

湘春夜月 一首

水晶簾 一首

龍山會 一首

西湖月 一首

惜黃花慢 一首

奪錦標 一首

選冠子 一首

瀘江月 一首

梅影 一首

荷葉杯 第二體

閒情

王倩

相喚合歡花下。生怕不好伴郎行。羅衣雙帶有金鈴。聽
摩聽聽摩聽。

竹枝

越州

蔣平階

免絲山北石帆東。裝點虞姬似阿儂。郎慣夜來還早去，
爲儂相送有樵風。

又

綠雲高綰似堆鴉。穿袖籠鬆小艇斜。自愛越溪顏色好，
閒篷露坐不須遮。

又

鞋幫踏損髻釵橫。齋宿焚香坐五更。又起長春新嶽廟，
紅裙一隊向東行。

又

西施山月照雙蛾
月下女兒尋黛螺
更脫弓鞋量石跡
與儂分寸不爭多

西湖竹枝

王倩

孤山脚下七香車
放鶴亭前處士家
郎若扶儂山上去
與郎親手折梅花

又

燒春美女好紅襦
滿面桃花撲玉缸
莫訝鑪頭酒味薄
兒家生小住餘杭

又

香閨高築望夫臺
郎在江南船未開
總使心如江上石

飛來峰也要飛回。

又

虎跑泉水竹風鱸。龍井茶芽磁瓦壺。誰道雨中山菓落。
紅菱新販過西湖。

字字雙

旅懷

丁焯

玉人一別年復年。明月西樓圓復圓。水雲鄉路千復千。
海燕歸時憐復憐。

十樣花

新雨

柯煜

窮窈一溪新雨鴨鴨翠波生處小艇逢伊也移時花外
凝竚遠風吹斷語

黃金縷

涉園桂花冬月大開喜而賦此 柯煥

碎踏冰苔池畔路坼粟金寒誰分枝頭吐爲惜重遊人
意苦姮娥剩把天香補

江南春

閨思

丁焯

人悄悄院沉沉露華珠履溼煙草西屏深
春黛愁長芭蕉一夜心

玉連環影

雨

成德

何處。幾葉瀟瀟雨。溼盡檐花花底人無語。掩屏山玉爐寒。誰見兩眉愁聚。倚闌干。

調笑令

繫括吳門女子詩

宋 肇

任丘旅店題云。妾白梳月。號蓮仿家。任半塘。幼失雙親。寄養他姓。姿容畧異。慧業不同。非敢擅秀。閨中願効清風。林下豈意我生。不辰所適。非偶。日彈琴之相對。百恨纏綿。時捲幔以言征。一詩哽咽。余爰題之。驛亭人各憐之。黃土可耳。丙辰三月廿日。北上過此。挑燈細讀。感慨係之。因繫括原詩爲小令。用貽好事云。

吳宮春深怨別離。風塵慘澹雙蛾斜。鵲啼月落
寸腸斷。香消芍藥空。垂垂流黃未。工機上織生。
小殷勤。弄文筆。新詩和淚寫。郵亭珍重寒宵誰。
面壁。

面壁淚痕溼。想見含毫燈下立。風鬟雨鬢吳宮隔。芍藥
香消堪惜。明妃遠嫁歸何日。一曲琵琶悽惻。

咏古

洛神

蔣景祁

甄妃妖冶世少雙。牽情惹恨東阿王。黃初天子
不同調。摧蘭毀玉空嗟傷。神人道隔見無路。洛
水盈盈正愁渡。魂銷金枕今夜長。淚滴清波怕。

歸去。

歸去。離恨苦。前生誤作袁家婦。那更擡頭事人主。化做洛川煙霧。一朝腸斷陳思賦。零落明璣翠羽。

戀情深

卽事

周穉廉

雨濕圓荷風結芡。綠莖紅豔。層船兩兩驛橋過。榜人呼柳毬影拂。麴塵波寒浪殺紋。拖日暮。鴨兒戲水竹煙疎。

霜天曉角

平韻

秋聲

孫致彌

遠寺疎鐘更霜前早鴻。幾許暗蛩心事都說向月明中。
寒空聽不窮。惟他牕外風不去。天邊吹恨來枕畔響。
衰桐。

散餘霞

晚抵羊流店

賁琮

小樓煙鎖空村靜。駐馬尋芳徑。花影爭趁斜陽鬧。蜂兒
不定。殘春客衾尙冷。貰酒消孤悶。醉想叔子風流且
凭欄索詠。

秋登太白樓懷京少

黃承茲

危樓半壁孤城陡。秋盡南池藕。柳葉爭墮新霜春先摧。

烏柏。蒹葭水痕寒。翳搔首西風久。是處青布帘斜與
何人沽酒。

繡帶兒

春思

柯炳

十二捲重簾。春思阿誰添。逞逞蜨兒飛處。花影覆澄潭。
霞際夕陽啣。雙玉燕低拂輕衫。牆東更待月飛一線。
驗取睂尖。

占春芳

無題

孫致彌

楊柳月桃花雨。第一可憐宵。恰稱合歡窗畔。璧人竝倚

鸞簫。九子玉鈴搖。穩鑷棲翡翠蘭苕。黛螺斟酌遙山
碧親寫睂梢。

巫山一段雲

秋旂

孫致彌

冷逼疎蛩咽。寒催斷雁哀。閉門今雨絕人來。旅思渺難
裁。悶把香螺斟酌。嬾看玉蟲開落。莫橫霜竹合伊州。
獨客不禁秋。

紅袖扶

湖上醉歸

丁焯

画舸笙歌歇。平湖璧月方中。垂鞭信馬東風。路人似柳

花慵。剗襖露堦愁。溼扶頭。山枕眠濃阿誰勸得蕭郎
醉恨煞玉玲瓏。

望仙樓

彈箏

葉暎榴

纖纖徐度十三絃。指上落花流水。簾外微風初起。一陣
霏桃雨。悠然夜月清商恨。蹙秋波無語餘韻。驚塵縷
縷散入垂楊裏。

秦蛾點絳脣

新譜犯調

柯炳

春漸老。輕揚翠幕蘭風好。蘭風好。紗窗窈窕。柳浪啼鶯

曉。屏山寂寞。爐煙裊露華。顚顚疑芳草。凝芳草。海棠
睡覺。依舊迎人笑。

沙塞子

用香草亭韻

梅 慙

曉開奩鏡。拭紅綿。無一語。妝罷思眠。最惜是。淡雲疎雨。
顚顚春天。兩眉愁聚。憶從前。曾密誓。低裊爐煙。道將
息。落花時節。腸斷今年。

春江路

京口畱別

王 翊

雨銷花。風剪絮。腸斷暮春江路。可憐芳草。不知愁又逐。

輪蹄千里去。秣陵煙京口樹。進退離魂無據。夢中最是泥人情。身在南樓歌舞處。

望遠行

人口

陳子龍

曉日深沉。畫閣眠銀剪。閒開半圓小。屏風上。又新年。綺羅香。襯落金鈿。思往事。恨綿綿。怕說梅粧。柳煙。裁成華勝。寄誰邊。一春常是淚花前。

擷芳詞

題演溪翁飲茶圖

李符

清和晝。汲泉澗。春芽秋片花。薺關披輕袷。停蕉筵。千縷

煙中髻絲禪榻。開吟牖。桐陰覆。茶星朗映詩仙瘦。焙
香莢。尋山衲。可能同載一帆茗雪。

金錯刀

觀蓮聽美人樓上吹簫

丁焯

汀蓼晚渚蓮秋。參差碧玉度高樓。鳥過煙鏡窺秦女。人
向花光想莫愁。幽調咽。好風柔。新聲疑帶水香浮。不
知蛾綠曾顰否。誰遣筠簾自上鉤。

逍遙樂

窗前

周貧

窗前月有梧桐。纔是響秋風。飄何處。任西東。一句中。骨

槭槭枝頭盡空。窗前葉有芭蕉濃。露浥朝朝。雖無雨。
儘蕭條。客心搖。看一朵燈花坐消。

一七令

做升庵體

楊春星

春翠暖煙勻。花簇錦草鋪茵。青郊寶馬紫陌離輪。呢喃
飛燕語。現曉曉鶯。填柳線不綰香夢。榆錢難買芳辰。二
十四番風信。老一百五日火迎新。

西江月

趙元父體

柯煜

珠箔誰家院宇。綠旗是處鞦韆。紅襟巧語落窗前。好似

對人珍重說春寒。歸信已遲。雁後新愁又到鶯邊。綠楊和雨更和煙。記得去年曾繫木蘭船。

散天花

山子犀月別後有懷

周 質

燒燭持杯幾夕同。恁來拏短檝各西東。雨晴池館蔭梧桐。兩尊燈下夢不相逢。響裂芭蕉夜半風。似聞山鬼語。小庭中。城頭鼓煞五更鐘。起行還獨自檢書蟲。

弄花雨

春閨

柯 煜

橋外風吹柳梢雨。小鶯啼一川煙樹。芳逕裏人逐蝶來。

燕去。隔修竹。誰家院宇。秋千上有。雙鬟舞。綵繩低隨。
風飄墮。驀地覺。花底游人偷覷。競笑入。綉簾深處。

浪打江城

沈去矜新犯譜

自錢塘江汎舟晚泊六和塔

何淇

斜日下江臯。蘆荻蕭蕭。誰把三千犀弩射秋潮。一霎輕
帆過十里。回首望暮雲遙。衰柳折長條。何處停橈。半
晌西風搔首更無聊。佛火黃昏。清梵裏聽幾度晚鐘敲。

青玉案

張叔夏體

春日閒居寫懷十首次張叔夏 周 質

西溪折向滌洞處。漾舍影朝還暮。榆柳蕭疎三五樹。熊

人與住。漁人與住。高話義農古。未調一曲君休去。須
待聖倚蘭譜。庾信小園仍有賦。鳥多歡趣。魚多歡趣。霽
了勾芒雨。

又

臨溪倚杖清吟處。乍矯首雲峰暮。漫訝老夫家獨樹。山
莊近住。水莊近住。要自淳風古。高門懸箔休重去。怕
忘却金荃譜。窮鳥自安元。淑賦鑒水孤趣。蕒水孤趣。任
不來今雨。

又

人踪稀少盤棲處。黯一點炊煙暮。沙嘴鷗羣楊柳樹。鴉

歸且任雲歸且任相與成終古
魚燈幾點蘆中去橫
短笛元無譜客過相如稱善賦
折巾奇趣漉巾奇趣炬
剪西窗雨

又

虹霓千尺消何處露遠碧斜陽暮
一飯人煙三宿樹身
無所任心無所任鷺嶺傳燈古
太虛一室何來去閱
吹萬笙竽譜鵬鳥長沙銅冶賦
養生生趣達生生趣百
草萌春雨

又

孤村足有流連處
曳短策隨晨暮時倚檐前
欹側樹看

花小住。看雲小住。不弱桃源古。少年事與東流去。幾
青簡留遺譜。芋聽狙公顛倒賦。朝三殊趣。暮三殊趣。怒
喜爲晴雨。

又

梅根種向無人處。倚翠竹。夫將暮。不似孤山三百樹。霜
花壓住。雪花壓住。越樣苔枝古。微香駐。屐來還去。問
誰訂。巖寒譜。鐵石廣平傳一賦。醉餘風趣。夢餘風趣。愁
對瀟瀟雨。

又

出門自計無行處。但兀坐茅檐暮。獨鶴正巢溪畔樹。水

流可住。雲流可住。民是無懷古。百年佳萼飛光去。誰
與竝松喬譜。且喜玄亭能作賦。東鄰諧趣。西鄰諧趣。載
酒過風雨。

又

瓜牛早逐焦先處。但鬱鬱成衰暮。剩有一瓢空掛樹北
垞。好住。南垞好住。愛煞煙霞古。燕來底事鴻偏去。原
不是生同譜。可忍鵲鴒原上賦。舊來交趣。今來交趣。管
忘聯牀雨。

又

晴沙愛着眠鷗處。雲澹映溪光暮。漸窳金絲垂岸樹。鶯

留客住。花留客住。只欠亭臺古。遣箇童兒攜榼去。還與問松膠譜。闌入醉鄉成酒賦。坐乘天趣。行乘天趣。更值催花雨。

又

家人生產無營處。早已自身遲暮。那得龍洲千橘樹。萍飄莫住。蓬飄莫住。目住江山古。春來已是冬消去。便欲問群芳譜。羽獵長楊爭獻賦。別人情趣。懷人情趣。孫楚悲零雨。

賣花聲

本意和黃子常

金張

春雨春風勻染萬千紅紫。摘將來連花帶蕊滿籠盛了。
尙露流如水。近紅樓一聲聲起。叫來叫去賣得好春
光未。奈牆東傷春有美翠。鈿零落懶學人新髻。正厭厭
夢回化底。

聲聲令

寄吳漢槎寧古塔

顧貞觀

鐵衣初卸。弧月親彎。舊書生絕域紅顏。鍾情多病。那禁
直恁摧殘。只透煙霜兩鬢頑。甚日生還酒。泉郡玉門
關。燕領小妹上書難。穹廬舉案。淚偷彈。築刀環。強說兒
身是木蘭。

如意令

獨木橋體

柯煜

怕捲珠簾丁字。怕倚闌干亞字。凝竚夕陽中。空有雁排人字。何事何事。不寄蕭郎一字。獨對画屏山字。無計遣他愁字。小篆欲薰香。不忍燒殘心字。多事多事。學寫鴛鴦兩字。

三萸子

傷春

周礪廉

憶枇杷花下半掩朱門。芙蓉扣石榴裙。波凌鸞尾窄額。裹象紗新。嬌不語。悶含嚬。似傷春。鳳窠顫玉綃幌。搖

金蛾黛淺。口脂勻。相思曾種樹。比日願爲鱗。意中人眼
前景。最銷魂。

又

記湔裙時候。綠驪紅酣。桃閃閃。柳毵毵。浣花朝滌硯。待
儀鈎。簾梳髻。髮整彎環。啓紅奩。雲梳象櫺。霞襯鸞
尾。袖總小。粉山尖。蝸涎污繡帖。蟲篆蝕書籤。似傷春。如
中酒。最嬌憨。

惜黃花

集竹垞太史古藤書屋分賦

蔣景祁

露明秋樹。煙寒蔬圃。御堤邊。正蕭蕭。柳梢堪數。散髮玉

堂仙遯跡金門侶。招婦友四圍芳俎。簾衣風舞。蛩聲
夜語。落蘋花。又疎疎六街涼雨。此別會何時美景誰留
取。最惱煞麗譙催去。

又

黃庭

東山別墅。北窗闌暑。愛蕭森古藤陰坐。澗天暮。風葉響
庭柯雲影橫河渚。慨此夕玉舟傾側。砧聲何處。蛩聲
不住。乍燒燈。又移燈避他疎雨。那管促更籌。只合脩簫
譜。且載酒和江湖句。

又

姜夔

荷風驅暑。蘋陰侵塵。恰秋涼憶吳淞鱸香堪煮。豈識軟

塵中翻得幽棲處。渾不管、乍來今雨。飛觴諧語。移商
刻羽。好催詩、墜檐花滴。朱研露。妄擬注蟲魚。未慣題鸚
鵡。休誤曲倩周郎顧。

又

陳枋

草堂花嶼。藥闌茶具。青藤陰似青油。四垂風舉。恰映食
單圓肯放。纖塵舞。逗幾點洗車零雨。頻傳杯醕。遞觀
笛譜。欲黃昏。未黃昏。漏聲催去。促坐剪燈時。商畧題襟
句。聽不了越吟吳語。

又

蔣運昌

秋陰庭宇。秋風簾戶。數秋花。奈羅羅晚香懸樹。彷彿茂

林遊少長群賢聚疎禮注八仲離主。都忘羈旅剪燈
酌醕乍停杯又傳杯夜闌微句細雨下庭梧涼氣生衣
亭人正在碧蘿溪處。

鶯啼序

臥病偶成調用鳴雀餘音體 柯 煥

傷春憔悴豈道春歸這心情倍苦堪歎也把吟詩逸興
縱酒狂懷病對風光儘成虛度無聊已極此中何事
消遣喜綠陰寂寂鳴蟬時振羽嘶風露可知更是細簾
高捲桐花還墜碎香無數。

送入我門來

閨怨

宋 學

翠浪翻帷紅綾燦枕燈花細落銀缸夜雨春風寂寞掩
蘭房吐絲妾似蠶眠箔奈化枳君同橘過江此恨倩
誰說與願逐晨風飛去遂到君旁水遠山高雲樹但蒼
茫鴛鴦幾見池中睡歎片藥空飄檻外香

陽關引

旅況

楊春星

画角悲風冽陣陣飄殘葉寒空落照山村晚征塵歇向
蕭蕭亭館無語愁千結正黯然驚雁又度南樓月惆
悵年華逝嵐煙隔陌頭楊柳多情也易輕折腸斷陽關

曲怕聽歌三疊。安得常歡聚。莫作天涯客。

效殘紅

客懷

王翊

野客止精藍。偶影吟溪。一雨寂寥中。幾日清明。又高
花時以飛。雜葉陰斯厚。僧去閒無聞。風物紛然就。粘
梁燕築香。疥壁苔移繡。甌色待茶新。火意留煙舊。薄恨
春將改。積倦書長覆。夢緒亦多端。獨處令人瘦。

彩鳳飛

用懶窟詞體

錢芳標

譚子國春申。浦兩度嗟萍梗。誤茲辰香閣。珮聲釵影。誓

今生藕花裏，雙宿雙飛。如何便夢斷，舊沙鷺、頸綠波冷。
寂寞天涯，羈客臨風空思省。問幾時同倚銀牀露井。
拜幃前，織素小應也。悲哽。鶯迴乍，捧處淚眼炯炯。

喝馬一枝花

送沈茶星宰來賓

李符

片刻離亭宴，杯酒匆匆相勸。紅鸞排小隊，去如箭、一綫
雷江渺渺。籤程遠，山郭門開處，繡幃裝笑迎。榕葉岸
仙令，驂鸞健應載鮑姑爲伴。邑庭判牘少，畫簾卷烏
攬陰中聽吉了。聲聲軟，試拈新麝筆，把似画雲山寫入
琴邊詩卷。

離別難

同李霖叔送胡則先還柯山 王 翊

殘燭薄鑒離心愁來漸起微吟梅枝輕雪凍和月留清
夢小軒寒醉客夜沉沉情未央經年別斷魂零落又如
今雲如疊天連越人獨歸西風冷入征衣五更溪路
白小艇敲冰出身結影淡無依冬水竭煙岸闊亂山深
處一帆飛

勸金船

送沈雯孫扶持令祖似之遊粵 丁 焯

鬱孤臺下章江路渺渺通橫浦梅霖乍歇蒲風軟送煙

艇南去。白苧新製。禿袖輕衫。宜暑。蘭漿欲移還住。聽唱
朝雨。羊城荔子。殷紅霧。掩暎珠江樹。篋中舊有青箱
句。好隨隱侯賦。別後懷人。應念客牕宵語。爲問何時剪
燭。再共揮塵。

玉京秋

寄沈覃九

龔翔麟

江上路。芙蓉正零亂。釣篷疎雨。檝師指點。分湖撐去。水
宿今宵酒醒。冷九前飛。墮雙羽。鷗邊覩。東陽消息。竹垞
傳語。黑蝶齊荒苔圃。伴銅駝。高三十五。可更吟青松
紅杏。西山溪處。料得多情戀。只戀一片吳天雲樹。茜衣

女菱唱秋風待譜。

秋浦雲

錢塘客興

程麟德

足跡逐萍來正浙江潮信秋生八月浦際煙輕山痕雨
細天外亂帆吹不絕空悵望斷魂長笛樓頭有人紫綃
獨立。猶憶西子晴湖雲鬟霧鬢管繁歌急只今冷蘸
垂楊寒迎落雁一段閒情銷不得惟買醉六橋明月依
然天應不負酒客。

滿江紅

平韻

送查聲山之九江

魏坤

社燕來時漸零葉片片是愁輕鞭趁涼生馬鬣嘶過蘆
溝可惜酒徒歸未得青衫更着向江州想免華圓影落
郵亭亭外舟潯陽路君傳遊帆十幅湓浦收把軟塵
心事付與汀鷗素練冷飛廬阜色翠濤聲激石鐘秋對
一繩新雁叫西風吟倚樓

如魚水

答沈朗倩

周 箕

花舞三臺珠歌一串周情柳思都兼拂鬱沉潛殷雷碾
過層巖釣綸纖瀾魚出藻動鈎銜風信峭坐脩簫譜殘
英吹惡亞晶簾高檻曲荀峯尖太早蘚露輕沾竹尾松

鬢參差。虧蔽新蟾。帽欹檐。玉山倒翠。袂猶粘。相與笑正
耐。阮疎。穠放禮法士從嫌。

古香慢

題紅藕莊画卷

李符

疎簾捲雨。小榭吹涼。橫幅煙景翠亞。田田半礙。舞紅窺
鏡。占斷一灣香浦。未許漁兒管領。祇容他水鳥淺浴。葉
南葉北。棲竝誰得似。幽居詩境。簾枕風多。午眠初醒。
班竹窗陰白。袷幾回斜凭。未見采芳人。算還少。淚心裙
影。短橋邊。鎮閒煞。載花方艇。

瀟瀟雨

落葉用江湖載酒集韻

丁焯

疎林千樹脫露秋山淺黛出寒堤倩枯黃病紫殘紅瘦
碧合造幽悽語月敲風不定暗和峽猿啼撲簌沙鷗背
驚夢難棲何處吟情最苦在夕陽樓北流水橋西記
綠陰深闌鶯展此曾攜嘆年華飄零爛錦但紛鋪霜徑
短筇迷銷凝候村煙暝報西時雞

錦堂春

卽事

周穉廉

喚雨鳩鵲衝煙鴨鵲聯拳白鷺成行接柔綸獨繭木樨
沙棠菱葉受風灘白棗花罩霧峰黃一望柔藍黯黯暮

靄昏時遠寺鐘撞
激湖乍消神甘綠陰之下新釀春
缸仙壇夢穩米簾紋涼蟹腹綠黏萍點魚牀紅閃燈光
漸漸黃昏近也炊火焙蘼推起蓬牕

被花惱

無題

柯煜

木蘭艇子趁微風雙槳橫塘清曉煙裏新鶯弄聲小綠
楊門逕翠苔庭宇幽夢和愁覺寒繡幌約殘粧穿花日
影朦朧照小立玉堦前一寸相思爲儂道燕泥啣處
書帶青時又漸春深了正紅情綠意雨爭妍須珍重
尊對傾倒莫辜負幾鬟吹笙人窈窕

應天長

訓皆山丈

李符

黃泥竹坂白粉蘚牆溪南煙舍相竝記得去年燈市匆
匆買篷艇離尊話猶暗省忍忘却那回風景青帘底小
巷紅遮同倚樓杏一載未歸人又聽東風江上喚愁
醒輸與故林雙燕尋巢剪花影長千里芳樹冷總無意
舞鬟歌頸茅堂路甚日期君重掃蘭徑

定風波

周鷗塘種水圖

李符

繞橫塘一帶蒼奩汀花遠接岸草抱來空山披蓁斷壠

怎比煙波好。藕芽肥、芡盤小。并種烏菱，萬絲裊、深窈。付
粉鷗管領，有誰尋到。西風短棹，攞秋鮮，獨自歸殘照。
向橋根、維纜歡迎。稚子月上柴門，悄紫荷、裝白藤帽吹
笛苔磯。按江調，應笑車聲馬影人閒昏曉。

鳳池春

李園池上

王 翊

一剪莎裯半檐桐。乳白日煖，照朱門向開。園小涉陰高
岸色，又踏吟人舊雨。平池絮花煙漲。柳苗新韶年漸晚。
清和近也，布穀先聞。群峰宛轉相次，俯悠然、溪遠樹
影無根。記昔浮觴處，至今猶帶酒氣濃春。覽物傷多故。

時桃李思沾巾。零香盡待夢來淒斷黃昏。

紫玉簫

遊天台

王翊

石脈橋山松陰冠嶺千巖萬壑空埋飛泉走峽注如虹
瀑布絕壑風雷深行寂寞陟丹梯幾尺莓苔桃花隔白
雲洞門何歲重開悠然人獸稀迹漸日月無光積草
紛來攀援力盡向峰心招虎負至僧齋煮胡麻一杯飯
屑暫息饑懷仙根在更宜獨居雙闕瓊臺。

絳都春

朱乾生招飲湖中

王翊

楓林半綠尙畱影不散。蘋黃先下。湖水始波短。照斜明。
蘭橈駕清秋。小纜芙蓉下。空露起垂楊絲挂。遠山橫抹。
離披晚色。維雲參畫。瀟灑吟觴賦笛。嘆偶成野醉高。
懷陶寫。疊曲控音漉酒遊魚。初煙瀉西風歸路。闌闌夜。
歌韻遠。蓮寒香寡。平沙月出無人白鷗來也。

月下笛

與前體微異

本意

柯剛燦

何處樓頭一聲寥亮。費人清淚。珠簾外。可是石家舊歌。
吹依稀。棹度東牆。遠却宛轉。吹殘流水。料斜橫翠。磨那。
人猶在。梅花香底。傾耳清如此。想翠竹經霜正欺寒。

袂江雲凍合沙邊落雁驚起關山萬里淒涼月問憶著
昭華曾未纔三弄又還停可好識桓伊幽思

解語花

題美人捧茶

萬錦雯

春光欲醉晝漏初長繡閣拋針線重勾嬌面薰籠畔漫
把鳳團親碾銀濤輕濺早檜雨松風滿院捧碧甌半彈
鸞釵欵步花枝顫翠袖暗籠金釧對清香顏色一般
婉孌流鶯低囀驚午夢喚覺江郎還倦倩題團扇指架
上茶縻開徧待飲乾去捲珠簾放入雙棲燕

乙巳中秋

毛重倬

煙消桂苑露滴蘭堦素魄當三五玉蟾方吐金波上潋
灩碧天蒼浦關山脩阻相望處今宵月午夜溶溶林影
參差秋在閒閒圃回首鳳城簫鼓記沉香亭畔羽衣
新譜纖歌妙舞都何在只有斷雲荒礎蕭條今古零亂
殺武昌樓櫓百年將半獨徘徊人共清輝苦

送李雲田往吳門迎侍兒掃鏡暫還白下和龔

少君韻

鄒祇謨

吳雲不斷楚雨偏神珍重相憐意繡幃私倚烏絲句偷
寫櫻桃小婢學梳時髻纔做出妮人情思問何時持櫬
相迎笑看銀燈藥寄語魚牋仔細但身如弱柳三眠

倦起淚痕如水。幾番驗都在。越羅衫底。爲伊屈指也。算得樓中簫史。更莫教好夢輕圓。勝業坊前李時開掃

爲雲田題楚天狂客圖

雲田好遊漢浦句爲寶鑑夫人發也

桃花廟口。鸚鵡洲邊。誰寫離人意。挿天劍倚。肯回顧。多少橘奴魚婢。黛峰如髻。空目斷。騷人遺思。憶當年漢浦。投珠莫負同心藥。一片雲濃煙細。想漠漠江天。悲秋頓起。吳山越水。好收拾。偏貯錦奚囊底。風流舉止。應只有蕭然圖史。到他時黃鶴。拋翻都識青蓮李。

大士雲臣過梅廬納涼同賦

曹亮武

半軒山影。一徑桐陰。堪與消長。夏池灣石罅。紅魚戲。故

把苕絲輕惹。簾紋如研。欹小枕北窗風下。夢回時一種
幽香是。閩蘭開乍。此外萬緣都謝。只相過不厭舊日
游射。科頭水榭。便掀髯共對奕而持竿。宛然圖畫。看酪
酏還能舞蔗。日西頰欲去還留待涼生深夜。

換巢鸞鳳

上巳感懷

梅 慙

日煖絲飄。正花開豔粉。鶯語妖嬈。年辰傳社鼓。巷陌起
飭簫。虞山芳草綠。裙腰倩。回舸立長橋。短橋紅衫影數
盡。落春潭低照。情悄。曾經到。曲水圍牆。掩碧桃門小。
手撚殘枝。沉吟往事。空把迴廊循繞。寂寂誰招。麗人時

堂堂恐負韶光好。新蟾梨院晚來愁緒多少。

味道院棗聯句

黃

庭蕺山

姜 遠敬直

蔣景祁京少

纂纂牆東

戴

正陰垂列棘撲向鄰翁

京

香傳爪架雨實

結麥勝風

次

幾迴欲剝待成鵲

敬

光搖颺趁斜陽晚紅

依稀記海上是游仙同夢

京

同夢弱好弄

敬

少小

扶牀憶相推伯仲

次

今日看承似曾經處珠樹琳宮桂

棟

京

膳設安期種誰遺猜教饑朔驚偏中

次

鄉愁早也

銷人半晌吟諷

敬

湘春夜月

池上書所見

柯煜

小池塘。霎時雨過蒼茫。爲笑滿院薰風。只是亂紅零幾
點。蜻蜓翡翠。向釣絲衣桁。闌盡輕揚。碧闌干。低處紅魚
紺蜨。儘帶幽香。雙雙乳燕。竝來波面。幾度廻翔。何處
清音。是靜裏林蟬。初噪。遠隔垂楊。鷺拳一足。立晴沙。似
愛新涼。這次第。算花間。越女來時。憎殺曲岸鴛鴦。

水晶簾

題瞻亭真意齋

柯煜

孫綽風流處。算庭前惟有長松一樹。吟榻安時。對草色
苔痕。碧浮簾戶。玉塵揮風。煩暑淨。瀟灑巾綸。扇羽坐凌
晨。點易南窗。研朱滴露。此中有真意。恰游魚相樂幽

禽來去。人迹雙清。有古鬲香焚。清徽琴撫。物外吾廬。吾
自愛。三徑不沾塵土。問他時。共和羊何。君還許否。

龍山會

九日霽園宴集

柯崇樸

別墅尋山屐載酒重來。秋水清無極。霏微簷溜滴。晴霽
處。乍捲浮雲西北。一雁下長空。霞似綺。斷煙凝碧。桂叢
澗餘香漸老。未堪多摘。高樓獨倚闌干。亭榭西風吹
散花無迹。開樽逢九日。晝夜未翻盡。新詞昔昔。好景復
良辰。更休問羽人雙舄。習池畔。山公醉倒。料應拚得。

西湖月

暮春月夕同遠士薊圃飲藕花居上酒闌放歌
不減日湖送春嘯翁采綠時也昇州雁旅追往
增愁用黃蓮甕自度商調賦情 李 符

雙清樓外花橋壓鈿鏡空波剪萼春晚索郎酒載蓮泥
揷槳草堤鋪毯新蟾容易墮趁斷港漁燈尋麴院祇恠
得未了吟情楚尾燕橋催散昔遊惱亂迴腸是挑菜
收裙倚桃遮扇舊鄉凝望可堪又對敗蘆沉雁秋嚮楓
似錦終不比孤山青一片况那日紫曲閒門譜簫人遠
惜黃花慢

舊寓

王 翊

竹密空廊有暗螢。流燄靜照蛩床。一園荒盡故多鳥迹。
風高自剪梧葉參黃。小池浣月澄初夜。淡波起。澌影浮。
涼問画堂。何年客散燭冷秋光。殘夜委棄陰房。嘆碎
供鼠嚙色變絲傷。玉人去後銀寒笙舌。璇機織罷紗壞。
煙窗素砧不到閒。雙杵柔莢染粉澤猶香。夢異鄉。半宵
被掩輕霜。

奪錦標

陪朱竹垞先生弘衍寺看海棠 高 騫

小帽編藤短衣抽絮重。悵一春殘矣。甚處尋芳弄影。且
挽輕鞭共穿蕭寺。指紋窗六六。話前度花陰深蔽。甚消

沉老榦參天宛似顏家園裏。魚鑰雙扉不閉。宛轉牆
腰別映數枝濃麗。笑看千絲搖動。方困蜂魂未銜鶯齒。
縱無多媚色。尙依稀瑤臺人醉。勝來青舊閣。全蕪夢去。
豈存煙水。

選冠子

聞秋虫有憶

朱茂暉

半枕餘衾。一簾涼露。四壁秋虫凝聽。淒其訴月。斷續吟
風。不管孤眠不穩。還似初離別時絮語。濃濃柔情耿耿。
助幽懷。做出悲涼情緒。伴他長恁。記那日。步襪宮彎。
著苔移印。寫盡梧桐清影。迴廊笑織。曲檻鳴絲。攜手紅

樓嬌俊。誰分今宵對伊荒館。敗籬喚人孤另。嘆行雲何日重逢。在憶露臺金井。

瀘江月

寄滿願

顧貞觀

記寒宵攜手一籬新月。三徑微霜。臂綃乍惜。殷紅減平生意。百劫難忘。爲我飄蓬。由他飛絮。惡風吹墮何方燕。臺尺素猶自祝勝常。惟啼痕浥透香囊。心知從此別。但寄聲珍重。莫更思量。蜀道如天。侯門似海。陌頭容易盼蕭郎。除非是星軺建節。瞥認疎狂。縱然金屋深藏。清笳拍遍。料依舊情傷。側身西望。貂褕贈。雙鱗杳不渡瀘。

江巴燠煙迷牂牁瘴合夢魂可到家鄉。烏衣門巷別後
總淒涼。又誰過昔日幽牕。掃眉安鏡任泥翻燕壘。蜜滲
蜂房。黃菊休開。紫薇空老。見伊枝葉幾回腸。歸來也重
逢滿願。願滿纔償。

梅影

金校書文璧爲余寫照

顧貞觀

好寒天。正孤山凍合。誰喚覺梅花。夢瘦影重傳。自簇桃
紋獸炭。偎金斗微熨。芳牋更未解。鸞膠絳脣呵展。纔融
雀瓦。酥手親研。土水形骸爭消受。丹青供養。况承他十
分著意。周旋。丁寧說要全刪粉墨。別譜清妍。憑肩端

詳到也。看側帽輕衫風韻依然。入洛愁餘遊梁倦極可
惜。遲卿憔悴不似當年。一段心情難寫處。分付朦朧澹
月。暈秋煙。披圖笑我等閒無語。人憶誰邊。卿知否。離魂
縱遠。也應只傍東臯別墅。乍浦回船。甚日投簪五湖
歸去。画眉郎還向画中圓。且緩却標題。留些位置待虎
頭。癡絕與伊貌出。嬋娟。彷彿記斷紅浮玉。竿輕碧。裏珠
鞭。淡粧濃抹俱瀟灑。肯教輕墮塵緣。便眼前阿堵。聊供
任俠。蚤心空及第。擬證枯禪。竝命雙棲。休認作雪泥鴻
爪。從今夜省識春風紙。張眠。須信傾城名士。相逢真箇
相憐。

瑶華集卷二十二

南鄉子

一首

望江南

六首

如夢令

一首

生查子

三首

點絳脣

三首

浣溪沙

八首

減字木蘭花

四首

菩薩蠻

二首

好事近

一首

清平樂

三首

誤佳期

一首

阮郎歸

二首

斜峰碧

二首

画堂春

二首

武陵春

一首

山花子

一首

柳梢青

四首

少年遊

二首

迎春樂 一首

南歌子 一首

杏花天 二首

鷓鴣天 二首

南鄉子 二首

玉樓春 一首

虞美人 一首

踏莎行 一首

小重山 二首

蝶戀花 二首

漁家傲 一首

青玉案 四首

感皇恩 一首

驀山溪 二首

洞仙歌 一首

惜紅衣 二首

滿江紅 四首

惜秋華 一首

掃花游 二首

水調歌頭 四首

滿庭芳 六首

燭影搖紅 二首

聲聲慢 二首

長亭怨慢 一首

夏初臨 二首

西子妝 一首

月華清 二首

瑣窗寒 一首

念奴嬌 九首

東風第一枝 九首

木蘭花慢 一首

珍珠簾 一首

齊天樂 三首

澡蘭香 一首

喜遷鶯 一首

綺羅香 三首

尉遲杯 一首

二郎神 一首

解連環 一首

望湘人 一首

望海潮 一首

疎影 七首

惜餘春慢 一首

沁園春 三首

摸魚兒 九首

六州歌頭 一首

小諾皐 一首

稍遍 一首

南鄉子

偶成

丁 煒

樓鼓三通。淡雲初破。月朦朧。風定曲闌蕉影。颭門掩。小語紅窗燈一點。

望江南

宿宣和古廟

佟國鼎

覓宿處落日映山紅。百尺松濤吹晚浪。幾枝樟蔭挂秋風。歸夢繞關東。

春

王倩

江南好。煙雨結重臺。二月街頭挑菜去。百花溪處打魚來。惠水幾瓶開。

夏

江南好。綠樹接紅橋。桃葉渡江人似雪。明珠濺雨酒如潮。清暑一簾消。

秋

江南好。湖水出堤清。拂岸香羅花有暈。漫山惡管雁無聲。

聲涼月漾沙汀。

冬

江南好花障十三樓賣酒厨孃紅半臂坐船商婦錦纏頭盡日雪中游。

晚步

袁揆熒

新雨過遠綠泛晴霞花底輕煙迷蛺蝶柳梢殘日帶歸鴉春思在盧家。

如夢令

春行

王倩

鳳管鵝笙成串金粉銀泥一片緩緩踏春陽鶯嘴喚回

人面曾見曾見又被杏花遮斷

生查子

春暮

周 質

徑轉翠屏開一片茶蘼雪不待晚粧成自下香堦折
鶯是故園鶯月是當時月誰分比來心祇覺看承別

雪中有懷

吳 沐

寒風吹繡幃寶鼎沉檀爇雪壓小橋邊路斷行人絕
瓊瑤一望空牕外梅梢折遙憶玉樓中指冷簫聲咽

春思

王鴻緒

青郊白玉驄碧草嬌春色何處冶游來兩兩黃金陌

煙柳鳳城深。雨後鶯如織。獨有倚樓人。徙倚朱簾側。

點絳脣

嚴都諫顯亭水檻

朱茂暉

雜珮聲珊。潏潏一曲迴平檻。桃花沿澗落盡餘紅片。

翠竹新篁。蝶影深深見。桐陰遍。長人倦。一枕疎簾遠。

感懷

王項齡

風送行舟。片帆斜入江天暮。亂雲古樹依舊來時路。

回首金焦。不斷傷心處。愁無語。一般歸去。強作悲秋句。

秋怨

儲福觀

鴛瓦霜寒。傷秋無賴。誰知道綺窗人杳。一枕捱新曉。

莫聽琵琶心上離愁繞。添煩惱。潯陽江草悔見來時好。
浣溪沙

春閨

張光曙

風颭湘簾翡翠還。二更新月占朱欄。綠楊飄影繡重垣。
羅袂籠時金釧暖。鳳裙垂處玉弓寒。寂寥庭院海棠殘。

旅懷

張集

輕煖輕寒日易斜。半山半水路方賒。春深無影倩誰遮。
客舍蕭蕭憑好夢。故園日日想開花。去年雙燕已還家。

西城憶舊

曹寅

小梵天西過雨痕。無窮荷葉映秋雲。
畫輪如水不揚塵。半市銀鱗呼白墮。
一樓銅杵咒黃昏。江南野客最消魂。

又

燕繞圓城故故飛。玉欄十二晚風吹。
遠山一抹學蛾眉。白兔有胎蒲又綠。
秋光無處說相思。路人拾盡碎燕胎。

兔胎玉笋
見遼遺史

又

曲曲蠶池數里香。玉梭纖手度流黃。
天孫無暇骨淒涼。

一自昭陽新納錦，邊衣常碎九秋霜。夕陽冷落出高墻。
蠶池明時宮人織錦之所，後與納錦焉。今止有故基、雲機廟而已。

無題

柯 煜

煙外飛絲送百勞。玉窗人倦晝無聊。微風吹夢過平橋。
芳草一堤嘶綠耳。画船雙槳趁紅潮。醒來斜日杏花梢。

又

笛向杏花村裏吹。身從芳草岸邊飛。野煙生處醉吟詩。
小市懸燈沽酒夜。估船爭渡落帆時。歸來楊柳月絲絲。

閨思

柯炳

雨冷風寒不可聞。小闌花逕欲黃昏。銅壺初滴漏聲沉。
翠幌不堪燈伴影。綺樓只有燕依人。一襟幽思向誰
論。

減字木蘭花

題畫

王崇簡

萍浮翠帶。奩鏡波明。鷗岸外。欸乃聲低。一抹遙林雲影
迷。蒲帆路轉。煙火霏微。村巷遠。旋失沙尖。雞犬聲中
出酒帘。

花前

魏勣

鶯啼處處似惜春光留欲住啼向花深作伴花間載酒
人花飛不定幾尺落紅迷曲徑漫放尊空一晌春光
夕照中

品香

曹寅

篝燈似水一縷寒絲拖不起漸解春冰裊裊愁遮龜甲
屏靈開心路虫也何知消得妬懶慢依人千古清評
定許荀

春風何處

王曜升

春風何處燕隔珠簾啼小樹曉日侯家犬帶金鈴臥落
花打圍郊外曲室紅粧燈底待索酒橋頭別館青衣

馬上留。

菩薩蠻

閨情

吳懋謙

傷心莫看樓頭月。雲窗黯澹燈明滅。惟有薄羅裳。愁人共夜涼。風吹簾幙動。驚醒鴛鴦夢。香冷倩誰溫。更闌正掩門。

江上

程文燦

寒江不斷東流急。晴嵐不改當年色。山水送韶華。紅顏付落花。玉樓人伴月。金井飄梧葉。銀漢碧天高。燈前一曲簫。

好事近

春晚

賀 宿

草綠蝶香濃。惱煞妬花風。雨雨後落英幾許，向画橋流
去。夕陽醉起，疑初曙。夢斷聞鶯語。又是晚霞零亂，嘆
人歸何處。

清平樂

題楊柳次旅店壁韻

徐嘉炎

惜人楊柳官道低垂手。綠淺黃深，隨處有。可似江南春
否。輕風吹雨，廉纖都來一味。慙慙憔悴已非張緒。銷
魂却比江淹。

送臘詞分賦西勝

陶爾璉

瑞圖勝字飛白閒書地隔院燈光人語細私祝勝常如意
曉來喜氣當關分明巧樣連環幾日鏤金錯綵又
看扶上釵鬟。

無題

孫致彌

團團人說比似雲中月子細形相還白別只恁長圓無
缺合歡暈綠成陰熏風輕拂瑤琴恰有蓮花品帶伴
他梔子同心。

誤佳期

戲題沙上

王倩

揮手筆花成陣。不仗煙和露。觀相思兩字寄平沙。魚雁都無分。屈指數歸期。莫負黃花信。西風江水總浮沈。錦字如何認。

阮郎歸

暮春

朱茂明

江南三月菜花黃。風和聞遠香。少年行樂趁風光。叢莎圍坐長。桃爛熳。柳低昂。依陰翠幙張。玉人樓檻倚微茫。魂銷正夕陽。

桃花

吳沐

晴雲送暖入花枝。穠桃初放時。翠茵點點落胭脂。黃鸝

隔樹啼。紅雨亂綠煙低。仙源望欲迷。幾番消息任東西。春風着意吹。

睂峰碧

本意

曹寅

感得郎先愛。誰假些兒黛。憑你秋來那樣山。不敢向奩前賽。掃盡從前派。秀色真難改。喜淺愁深便得知。天教壓在秋波外。

閒情

丁燐

樓角昏斜月。蠟淚銷殘跋。膩玉溫香已殢人。那待把相思說。含笑尋珠袜。畱盼兜蓮屐。掠亂鬆雲着意簪。防

他斜溜雙金蝶。

画堂春

春院

馮瑞

晝長人靜画堂空。曲欄花影重重。綠楊陰下海棠中。記得相逢。環珮聲遲瑤砌。綺羅香透雕櫳。而今回首晚煙紅。滿院東風。

閨情

王鴻緒

東風軟透露花香。開簾燕拂流黃。曉霞明媚映紅妝。新樣眉長。斜倚朱欄獨立。低頭笑撚垂楊。夜來清夢到瀟湘。今日思量。

武陵春

贈延陵許雲章

陳 澤

記得武陵溪上住。洞口遇神仙。邂逅飛觴奏管絃。堤柳
別情牽。煙雨樓邊春正好。相見已皤然。此日西湖問
画船。又是十多年。

山花子

郊行

丁 煒

秋老丹崖落葉黃。金飈吹送岸花香。煙水淨堪垂釣去。
味滄浪。遠岫亂雲低。夕照平橋疎柳帶村庄。我欲攜
家浮舴艋。稻魚鄉。

柳梢青

靜香樓四時曲

李孚青

春

十笏窗晴春山樓上旭日初明
纔點花瓷輕翻銀葉且
諷黃庭耳邊學弄雛鶯聲細
澁微茫暗聽飄入溪光
吹來沙際楊柳梢青

夏

百尺軒牕容卿高臥雅稱疎狂
枕上羲皇胸中冰炭只
自尋常游仙夢也無妨
花底鬧雜虫渺茫倏見新桐
乍移初月又讀殘唐

秋

野色吹晴水天一碧。桐子螺明。鏡裏憐潘。風前感宋。惆悵閒庭。隔枝猶轉殘鶯。入杳靄。漁榔漫聽。霜冷蘋花。煙輕蓼葉。盪破空青。

冬

愁霧盈牕。擬教偏寒。不許清狂。萬卷煙雲。一編珠玉。足我家常。袁安臥定無妨。渾不礙。遙天冥茫。好共求羊。何論魏晉。管甚隋唐。

少年遊

送陳雲銘入都

魏允扎

殘春時候離人心緒此際忽交并花裏鶯邊尋常送別
垂老怕關情看君遠上長安道行李一鞭輕風絮茫
茫春隨人去不禁暗愁生。

前題

錢永基

一片花飛送將春去更欲送王孫雞鳴斜日馬嘶芳草
人度綠楊村舊游幾載逢迎處湖海氣偏尊若向長
安故人問我爲道舌猶存。

迎春樂

送臘詞分賦春聯

蔣之達

辛盤餞歲人微醉指拂凌雲氣倚雙行椽燭搖紅膩把

十樣桃牋試。儷句摘玉臺佳麗。法書做蘭亭道媚。何處紗籠淺導。又索宜春字。

南歌子

曉景

楊璫

鴛瓦霜花繡紗窗曙色烘。初溫錦幄正朦朧。無奈數聲啼鳥隔簾櫳。斜黛輕勻綠胭脂。淨洗紅半鈎。殘月帶斜鴻。早見一枝梅破小春風。

杏花天

寒食郊行

丁燁

柳煙梨雪東風晚。巡繡陌曉寒乍淺。草香泥潤金羈緩。

隔水賣陽聲喚
春欲去游絲難
肯聽軟語無聊
鶯燕
飛紅暗綠誰庭
院人試輕衫小
扇

前題

丁焯

玉聰嘶斷斜陽
晚漸踏遍裙腰
草淺賣花聲過
西樓緩
不見隔簾人喚
垂柳外秋千還
習但砌地香泥
掠燕
新煙籠燭迴深
院低鬟雀屏西
扇

鷓鴣天

題王丹麓聽松圖

張光曙

摩詰風流與俗
殊高懷坐擁百
城書種來庭樹
龍鱗老
靜對湖光夕照
疎
冰雪卷盡驪珠
文章山水足清
娛

瑤華集卷二十二
虛窗五粒聞清響，還似仙人陶隱居。

重陽追憶吳觀岳

孟士楷

鴛瓦朝來徧薄霜，菊籬蟹舍滿江鄉。
風流已失桓司馬，解襖空傳費長房。
鴉舅赤木奴黃，幾絲淚雨溼重陽。
去年也是登樓望，自斷蘋洲雁一行。

南鄉子

秋懷

丁煒

秋恨最無端，梧葉蕭蕭獨掩關。
芳草墻陰啼促織，聲殘鴻雁來時客倚闌。
人自故鄉還，聞道鱸魚尚可餐。
張翰扁舟何日返，家山夢遶蘆花月一灣。

曉睡

王倩

宿酒隱流霞。白玉牀溫。珊枕斜。一晌華胥濃睡裏。由他
將護春風。芍藥花。咒殺小金鴉。又被鄰姬喚賭茶。好
夢問伊何處去。猜差。不道巫山是妾家。

玉樓春

閨情

徐恪

秋千庭院重門閉。濃睡不消殘酒味。晚風吹徹綠陰天。
郎馬不知何處繫。空傳消息歸來未。正是春愁花滿
地。手撥紅杏落莓苔。關鴨闌干還獨倚。

虞美人

聽韜兄話金陵之遊

查嗣璉

水楊夾岸離宮閉。曾是繁華地。梅家鵝鴨薛家羊。剩想
舊京風味酒壚傍。匆匆打槳催人去。津鼓潮頭路。輕
裝東下只扁舟。不載桃根桃葉也風流。

踏莎行

卽席有贈

鮑鼎銓

枕麝飄英柳絮飛絮。佳人唱徹黃金縷。閒愁無語倚東
風。啼鶯不管春光暮。煙灑平蕪水添珠浦。王孫玉勒
嘶何處。惱人雙燕故飛飛。新愁又送花間雨。

小重山

春閨

王鼎

斗帳香濃怯影單，屏山深畫掩小窗寒。
細蟬銀甲罷雙聲，羅衣擁獨自倚闌干。
牆角杏花殘韶光餘幾許，漸
離砌樓頭微雨怯輕紈。閒消瘦暗覺繡裙寬。

初夏

徐恪

日煖煙柔江上村，碧虛清影動苔痕。
古槐高柳翠陰繁，薰風過却掃綠蘿門。
竹院晚餘暄，新移琴石好坐
離根披襟一曲寫潺湲。星光閃峰頂月黃昏。

蝶戀花

閨情

王鴻緒

臨水樓臺簾半揭。入暮涼生。殘靄微明。滅細柳藏鴉。遮
不徹。一時啼上黃昏月。獨倚朱闌。人憶別。露重花香。
冷透凌波襪。吹罷玉笙珠漏歇。鴛鴦雙夢醒時節。

美人紅甲

徐洪基

日午紗窗初罷繡。斜托香腮。一捻春蔥。瘦銀甲纖纖新
染就。面屏深處拋紅豆。妝點風流全勝舊。不許郎看。
褪入輕羅袖。拘得花枝和笑走。回身更把闌干扣。

漁家傲

本意

王倩

二頃葑田八口累。三間茅屋千錢稅。爭似五湖煙雨翠。

春漲退。釣竿拂處珊瑚碎。水面自將鵝鵝配。人間不
逐鴛鴦隊。指點鱸魚堪做鱠。村酒醉。荊釵落在蘆花被。

青玉案

高澹遊招飲顧園

蔣平階

多君嗜友濃於酒。又向名園卜畫池。面涼颺吹欲皺雞
頭新綻。蟹螯微瘦。正是初秋後。風流人似西園舊。素
絹花牋攜滿袖。戲罷藏鉤還射覆。娥娥粧粉。垂垂纖手。
暗裏拋紅豆。

自題楓香詞

宋 犖

楓香橋是黃州路。曾岸幘扶筇去。一望霜天風景暮。空

山流水白雲紅樹動我悲秋賦。於今塵夢高歌處聊
取新名錫癡語。蘭畹金荃休見妬。花間低按尊前輕度
他江楓句。

同黃聖貽泛舟橫塘

孫致彌

十年不踏行春路。重載酒尊山去。曲曲疎林帆影度。鷗
邊寒水。雁邊斜照。多少開情處。生煙一抹鱸鄉暮。紅
棹休題怨秋句。青箬綠簑心久許。終須買箇橫頭船子。
醉聽雙橋雨。

泊吳門簡丁筠雪用賀方回韻 周 質

雲帆西指吳臺路。重繫纜遲歸去。爲記魚書傳兩度。襄

陽吟苦長江詩瘦曾是相憐處
望中搔首河山暮玉
索難酬舊題句爲問新詞填幾許
白龍潭上青楓林畔
賦得瀟瀟雨

感皇恩

送臘詞分賦祀竈

陸祖琳

欲寫送神詞期期口吃未識相求致何物黃羊也少臘
釀一杯聯設世人工解媚予偏拙
髣髴雲旗過翔雨
雪幸附瑤牋寄天闕爲言孺子久厭人間因熱樵蘇長
不爨臣之笑
漢郊祀志李少君以祠竈方見上言可致
物搜神記宣帝時陰子方以黃羊祀竈後

言

慕山溪

戲贈

朱茂卿

雲藍小袖約素隋堤。梳翠黛遠山橫。描不就一雙睂秀。
嬌波明盼着處。更畱人情。初逗。盃殘酒。雙陸垂纖手。
芳心半有。玉紐教郎扣。不道解相思。恁花枝爲誰消瘦。
幽牕曲檻燈火。二更餘歡未久。宵空負。那正歸時候。

題雪漁圖

王崇簡

凌空泛去望裏驚銀海。抖擻綠簑輕看遙嶺花飛一帶。
敲冰得鯉醉倒玉壺春。酣餘態入應惟明月。渾疑載。
斜風細雨。曾記浮西塞。白鷺剪同雲。更裝就模糊色界。

羊裘澤畔翻惹客星占風塵外乾坤大尙有元真在

洞仙歌

題漢瞻望雲圖卽送南還

高 騫

燕歌易酒恨相逢未欸幾日西風又催散趁柳枝黃單
栢葉紅翻魚雲外去逐一繩新雁東吳秋正美尊脆
鱸肥艇子開篷坐張翰鄰犬吠離根菱所迎來話白髮
含飴猶健只可惜拋儂未歸人對十里湖橋暮蟬悽惋
惜紅衣

薑

魏 坤

爪堰分區蕨田接岸一塍香滿障影疎疎筠簾織來短

新芽茁後聽竹外乳鳩低喚畦畔紅到柔尖割霜根纔
半腥風剪斷縷鱸糝羹香橙也同薦寒糟配人芳氣
襲水碗悵自故人難致客裏暗銷吟管想舍南幾稜雨
浥病花秋晚

前題

青豆成行烏菱小市掌痕新紫戴土裝來撐過淺沙紫
吳姬喚買正露白尊香天氣纖指紅縷脆絲把霜螯初
試分蔥配鼓除了裴家何人厭辛冰燒燈夜剪輪與
白芽美聽說水村荒後空有月明千里對湖風寒色藥
裏伴他憔悴

滿江紅

壬子初度述懷

賀國璘

撫景何堪回首處。茫茫如此。又何像。人生五十始知非。
是白髮。攤書貧未病。青山荷鍾生同寄。論臣年壯且不
如人。今老矣。斑衣舞慚。甘旨牛衣泣。慚青紫。任馬牛。
呼我從而唯唯。得失寸心千古事。浮沉廿載平生恥。但
百城萬卷願還賒。空言耳。

又

已矣無聞更誰許。十年聲價都莫問。今時絳灌舊家主。
謝收拾窮途。雙眼淚不須頻向西風灑。倚名山畱得一

編存何求者。結老屋南山罅。種老菊東籬下。且友求
秋士。人逢春社。賤子餘生。憑杖屨。少年同學。誇裘馬。製
荷衣。閒伴隴頭雲。躬耕也。

疊前韻答陽羨陳其年時將遊都門并寄兒

子孟循

咄咄書空曉人意。不當如此悔往日。百端交集都無一。
是有夢還歸泉石處。此身合向漁樵寄道浮。生最誤是
浮名知之矣。褐似錦。茶如旨。秋月白。秋山紫。便北邙
狐兔呼余卽唯長。謝功名從世賤。不如農圃真吾恥。問
英雄不朽欲如何。欺人耳。

又

天地吾廬更不向山靈問價。任春去東風吹遍。花開花謝。隨意扶筇。丘壑待放懷潑墨煙雲灑笑。狂夫自詡句驚人庸庸者。攜柑酒溪林罇。停絲管啼鶯下。放高僧據座閒鷗入社。昨夜江南蚤雁。此時塞北嘶秋馬。便因風寄語耦耕人。歸來也。

惜秋華

夜集東谷草堂同禹平青士賦 鄭 培

乍檢歸裝笑征衫難浣。有家翻寄風送旅愁。霜葉一庭交碎。休誇醉瑟吟鞭。早十載香銷形瘁。遙睇更江天雁。

書幾緘客淚。渺渺剡溪水。映秋奩如雪。喜輕舟偕。鱸尾。導絲肯負。若番情事。新詞舊雨。同題剪殘燈曉窗。還倚行未。計重逢。又明年矣。

插花游

一葉庵訪拙野上人

下庭

溪流四遶住。一葉團瓢窗開。三面桑麻影。見更漁歌牧笛。梵音相亂。爲訪支公。徑過小橋西畔。入門看正。塵講罷來。裙書零案。來往未曾厭。記細雨寒初。夕陽秋半。閒情自遠。問幽蛩何訴。晚花偏豔。木葉蹊深。屐齒清聲。踏遍流年。換又春風落殘梅瓣。

咏草

李符

凍泥潤雨漸寸寸香芽翠平如剪東風不管任遙村密
驛儘教生徧滿日萋萋只有城闌未見望中遠點老樹
舞紅巴錦新浣南浦殘照淺是甚處鈿車冷痕初碾
帶愁無限認家山來路總迷春眼江口青連分出柔波
一線四簾卷惹窺樓曉梳人怨

水調歌頭

溪泛

葉藩

猶憶大江上歲歲逐征鴻曾經崩濤駭浪一葉坐長空
路自潤州城發帆指鄱陽湖去獨看老人峰今日泛煙

艇衰笠對漁翁。微雨過新漲遠藕花紅。四山蒼翠欲
滴迴棹轉從容。漫說舊時踪跡只念故鄉雲水家在五
湖東。最愛溪光好不美馬當風。

同朱竹垞周青士登燕子磯

柯崇樸

陡起渾如削壁立俯空濛波濤嚼嚙山足震盪失魚龍
東下長江縈帶南指金陵蟠踞形勢屹然雄縹緲子亭
上疑是躡飛鴻。攜伴侶閒眺望迴臨風山川迤邐無
盡長嘯碧天空塞雁汀鷗出沒楚柁吳檣歷亂闌入暮
煙中。試爲燃犀照應直瞰蛟宮。

憶金陵

魏憲

白下舊遊地。燕子浪掀天。秦淮花柳如霧。綺閣闌雲。妍
盡日笙簫沸起。人在醉鄉深處。終夜抱琴眠。豈意鍾山
樹。衰颯繞寒煙。渡揚子。登北固。思悠然。金焦影裏。江
月依舊向人圓。浮玉門前。留帶瘞鶴江濱。埋石佳話憶
當年。空有江南曲。流恨入新絃。

怨別

袁揆焚

曉夢鴛鴦穩。潑樹鷓鴣啼。闌干昨夜私語。倏忽便分離。
袖裏同心綵結。衣上合歡繡帶。別恨綰紅絲。花底雙雙
蝶。有意盡情飛。鏡平分絲中絕影。孤棲多情自爾薄。
倖何事。更依依。儂也休。料鵲腦卿也休。噲紅豆。兩地莫。

相思珍重加餐飯去去復奚辭

滿庭芳

戊午春正王大司馬席上觀燈 歸允庸

春簇庭堦晴搖碧樹繡戶乍扇芳華蘭膏細蕤柏酒競
傳誇早是張燈節候雕闌轉絳蠟飛花陪遊讌良宵懽
賞不夜火城遮高槐脩竹陰移停鵲時簪舄交加更
輞川佳句麗日蒸霞人倚蓬山瓊島何須問寶馬香車
方沉醉銀釭璀璨珠斗報橫斜

秋日閒居

楊春星

露冷芙蓉煙寒楊柳一天秋色蒼苔滿柴門人靜碧草映

迴廊砧杵聲聲怨。切那堪、聽雁度瀟湘。闌干畔、薔花未
綻。桂蕊早含芳。韶光如逝水、纔銷殘暑、又送新涼。笑
浮生、碌碌底事。棲皇。幸值壚頭酒美，莫辜負、玉腕銀鉤。
微酣也。閒居漫賦，落筆任飛揚。

醉白池

王項齡

雨潤新篁香傳晚。桂池臺、水木清華。主人愛客，開宴日
初斜。泥飲懽騰欲醉。朦朧影澹月交加。溪亭上、華燈四
映，水面爛銀花。且休論、世事龍爭蠶觸，猿鶴蟲沙。幸
偷安榆社，滿眼桑麻。恰又茱萸初熟，持螯對、玉盞流霞。
更何羨、龍山戲馬，高會足矜誇。

代贈

徐嘉炎

弱質依風柔條着雨春
淡半露情芽河橋官柳漸綠可
藏鴉暫趁鶯雛燕乳和飛絮
直入人家誰能穀西冷南
浦自在領煙霞
十年漂泊久虛成
昨夢往事堪嗟
惟東皇無意閒却名花
此去徒驚憔悴相思路
盼盡天涯娟娟月青樓
望斷肯到碧牕紗

廣陵懷古

鮑鼎銓

三月煙花滿城歌吹繁
華久說揚州錦帆天子千古獨
風流最愛遊傳清夜江南好
柳纜龍舟消沈久斷碑殘
碣何處覓丹丘
迷樓橫暮雨玉鈎斜畔
碧水空愁只

平山堂下憑弔，
二十四橋仍在，
汀洲靜眠穩沙鷗。
經行處，斜陽芳草，
粧點廣陵秋。

同諸兄味雲

柯煥

碧縷如煙，素衣疑雪，
初看點綴長天翠漪。
浮動十里淡晴川，
却怕蘋風吹去。些時斷
還又相連，渾難定，朝來
踪跡。贏得楚王憐。
當年巫峽裏，驚回殘夢，
無數啼猿。算人間羅縠，
誰與爭妍。莫是天孫催
織，攜來好濯，向銀灣。
更須到翠樓粧就，
婀娜惹新鬟。

燭影搖紅

丁巳二月賤辰來仲張燈置酒時蠟梅盛開和

韻

歸允肅

梅蕊塗黃檀心半吐凝香晚東君着意報芳菲冷豔枝
頭煖風細湘簾乍捲清暉映宜春小苑憑軒月下濯魄
樽前教人歡見駒隙逢場天涯知己排佳讌觥籌頻
送漏聲移四壁華光滿莫惜更長燭短際良宵清遊未
懶蘭缸照影茗椀聯吟同心方展

集詞目成篇

柯煜

南浦鶯啼一痕沙外桃花水江城芳草繫裙腰人醉春
風裏却好時光多麗一半兒紅情綠意少年遊冶倚醉
垂鞭一叢花氣雙鬢雲鬆垂楊碧惹秋波媚東風第

一綺羅香玉女。搖仙佩。調笑沁園春霽。奈薄倖箇儂迢
遞秦樓消息。愁倚闌干。闌干萬里。

聲聲慢

細雨

王翊

零光吹碎。遠態飄明。依微近人沾灑。冷聚空煙。秋影半
深平野。池塘薄陰生。晝泣餘姿。垂柳輕惹。還試問。在巴
山前夜。水痕多寡。別井梧桐寒盡。殘葉澗。西風。泪花
從寫意。與絲長。何事亂牽愁下。沙外雁知。羽重感飛遲。
音韻悽啞。更溼夢。斂巫山。留驗鴛瓦。

和持翁八聲體

周穉廉

桃簾雲微杏櫳雨溼敗屏漸溼風聲蝶撲丁香花梢墜
下鈴聲遙想金丸落處犀簾吹動玉鈎聲六更後聽綠
莎紅葉做出聲聲且自彈絃賭奕無聊甚案頭琴響
棋聲宿酒將醒愁聞燕語鶯聲點點枕花鉛淚滴春江
化作波聲圓曉夢防阿母悄語低聲

長亭怨慢

觀別

李符

望江柳萬絲飛絮隔岸誰家一舟橫渡粉堠遮愁四橋
涵影翠睂嫵凭肩分付聽不見銷魂語風斷淚花零定
散作沙頭香雨人去問天涯此別多少短亭荒浦襪

塵未動帆已挂暮潮生處獨自向小小桃扉忍回首蒼
茫煙樹念惟有今宵院鎖燈昏情苦

夏初臨

本意

宋 準

堤柳添煙苑花飄翠匆匆過了三春雨霽風恬清和撰
就嘉辰閒庭草色如茵映方塘碧水粼粼單衣初試疎
簾乍垂密簾先陳幾多恨葉一片清波沈腰帶減潘
鬢霜新山茫水渺風流何日還親猶記同君看雙雙燕
拂梁塵到斜陽薔薇架邊坐對仙裙

春閨

王 翊

燕重風邊花。淚雨際人閒。每因春情。綠意延苔。重堦幾
日初平。開簾側側寒輕。小牕西。獨自調箏。絃疎柱冷。鶯
鴻乍飛。曲半遺聲。離心弱。盡暗惜無端。孤魂寄草。一
夢消鶯。凝粧又晚。長鬟力倦。難勝暈入殘睂。視新愁滿
鏡。還生淚波橫。啼時漸多。眼未嘗晴。

西子妝

偶感

李符

箏手勝酥簫。屑闌茜李態。張娟應妬。画船爭看上歌臺。
登千橈翠溪無路。紅裙舞罷。似真向館娃宮。住柳陰中。
記唐梯初下。凭肩私語。鶯喧處。南曲重尋。幾陣桃花。

雨錦鴛雙袖倚勾闌是誰將紫雲輕誤新亭倦旅淒涼
夢秋來更苦趁西風猶遶枇杷一樹

月華清

甲子人日舟泊楊坪送緯雲

丁 焯

錦鷁搖煙纖鱗戲暖剪剪麴塵風軟遊倦情懷可奈芳
辰晚晚甚江村挑菜門荒只未老青山識面悽惋漸澄
鮮水樹冷光如練蟾鏡半奩羞滿似淡勻素娥梅額
粧淺趁雁辭家幾誤銀旛釵顫抽翠縷且薦春盤題綵
帖共拈吟管腸斷怕帆分草碧酒醒人遠

西湖夜泛

柯剛燦

山翠沾衣水苔凝棹載詩艇子來去。淡淡斜陽引我遊
情如許。見若遠若近晴嵐映。將紅未紅楓樹。隨處有跳
波游鯉浴沙幽鷺。片霎鐘聲催暮。任橫玉樓頭漫傷
情緒。迤邐紅亭粉壁儘堪題句。攜俊侶。喝月回雲盡餘
歡。停杯起舞。無據算風流往事。斷霞零露。

瑣窗寒

雪

柯崇樸

雲態飄颻風情搖蕩。做成花片。漫空亂舞。不覺遠山遮
遍。看林臯白玉裝成。幾回錯認梨花院。想廣陵潮湧。戛
峭月起銀河光漸。堪嘆浮名絆。笑一棹天涯孤征如

雁小閣輕寒誤却謝庭春晏。問而今野草平沙可能得
似山陰岸。只應同簑笠衰翁獨釣寒江畔。

念奴嬌

送蔣京少之楚

沈三曾

鳳城西去叩禪關。門掩碧梧金井。吟嘯一編聞夜夜。倡
和松濤千頃。三尺玉龍五車牙軸。今古毘馳騁詞場聲
價。只今年少誰竝。更美景攬瀟湘遊。援雲夢撥櫂堪
乘興。岸芷汀蘭爭秀處。好向騷人取證。明月山間清風
江上此地饒名勝。奚囊得句何年杯酒重訂。

過煙雨樓

曾超

憑虛一葦向空波。渺渺破煙衝碧。西棟朱簾何處是。只有荒臺屹立。樹浸鷗汀。雲迷雉堞。野景都收得。殘碑讀罷。但存苔蘚遺蹟。聞道勝地當年樓船。簫鼓歌吹。迎秋魄。似此蒼涼斜照裏。更見誰家裙屐。試問諸君。鵬江樵墓。來往成今昔。溪山如畫。一聲又起漁笛。

暮春偕蘅圃從白下歸約里門諸子汎舟峽石

分賦

李符

晨裝未解喚疎簾。輕舫且畱君住。緩點筠筒。清鏡裏穿入濃陰。千樹蝦籠傾鮮雁。壺瀉碧。便作蠶鄉主。蕉衣試扇團圓。招得吟侶。小小鈿翠春山無多。煙景最是開

情處花地燒香人散後。剩有前裙溪女。藉草橋根。迴繞沙尾。舊識閒鷗鷺。江南歸客。斷魂重記前度。

九日幽瀾禪院放生

陳 鉞

秋容滿目。正重陽風雨。孤城一片。塔影高懸。雲樹擁絕。頂遊人似雁。貝葉初翻。天花欲墜。彷彿仁王。旬白衣蒼狗。悟來塵世都幻。不美載酒風流。登臨遲勝。闌韻平題扇。展過梵宮清坐久。愛聽泉聲飛濺。澤及鱗虫。想同濠濮樂事。蒙莊現前溪。分手疎鐘木葉吹斷。

有贈

孫致彌

蓮花旋舞。有小顰能品。清謳娛客。雪態雲容。看不足。難

辨珮聲釵色。秋水爲神春山欲笑十斛明珠直梁州遍
徹彩雲無計畱得。惆悵燭影猶紅衣香未歇醉眼迷
朱碧馬滑天寒歸路遠好教玉人將息柳帶深盟櫻桃
短夢脉脉芳心識愁吟誰伴銀蟾一暈初白

夜怨

王袞錫

問伊知否小欄前幾度花朝月夕數盡歸鴉垂窄袖斜
倚雲屏無力塵滿豪犀香銷寶鴨人靜茶煙息別時私
語那堪愁處相憶。獨上近水高樓玉鈎銀蒜捲起蜻
蜓翼野鶯殘陽飛不散一片青山歷歷。惡帶新寬杏衫
乍冷蓮臉輕珠滴綠窗風細誰家今夜吹笛

隔帳聽雨

曹寅

濃煙肥草怕春晴不穩動迷巫峽敲枕淋鈴渾莫厭還
有鳴駝嘈襍六尺氈牆一枝紅蠟怎覓銷愁法和衣展
轉南歸竟阻蝴蝶忽憶細灑叢蕉軟飄竹尾啞喋萍
池鴨入手繁絃淒又緊戍鼓朦朧寒壓昨日歌樓今宵
沙塞前世鬱摩榻茫茫哀樂夜中獨抱蓮匣

梁溪道中月夜行舟

柯崇樸

客遊方倦奈金風微動征衣吹微皺乃歌聲雲樹遠艇
子夜來猶發圓照沉輝纖娥弄影眼界增空闊寒光如
許沁人懷抱清絕兼喜五兩帆輕飄飄穩泛衝破船

頭雪夾岸青山渾似染中瀉清溪一折更斷譙樓夢搖
柔櫓草際蟲吟咽渺然回首遙村漁火明滅

廣陵送毛亦史之白下

葉藩

萍踪忽聚惟旗亭貰酒相逢還別點染楓林青嶂外漸
過小春時節雁陣橫空孤帆南渡潮滿江聲闊揚州自
遠石城多少明月遙想訪舊秦淮久辭歌管剩有波
千折繡幕朱簾寒不捲總被暮笳吹徹欲問遺宮層層
衰草誰向遊人說白雲梯在茗鞭應上天闕

東風第一枝

春日次沈南疑韻

周質

南浦拏舟東郊列幕中
旬準擬攜酒恁教壓雨欺煙幾
時小桃紅透魚牋訊遠要脩禊
山陰人舊倩好風爲掃
苔茵池水儘他吹皺
更明日垂楊繞堦
早今日芳蘭
密牖麗詞一曲歌成那尋雪兒
秀口無多春色總莫負
燕前鶯後可憐是幾箇黃昏
多半憶君時候

游峽山川史梅谿韻

六寺煙深雙峰黛冷
嬉游時際暄暖曲塘
画鵲參差艤
來扶芽沙淺嬌春羅綺
映綠淨波紋吹軟儘瘦生
掌上
誰擎漫詫倚風輕燕
簾乍捲垂楊拂眼
門半掩小桃
窺面歌雲自趁新粧
淚竹幾巡古苑微茫
林角挂不盡

殘陽如線怕後遊晴雨無憑有約也應難見

又

沈進

曲水移船官橋問柳禁煙已過初暖人家未放花深春
山尙看草淺平隄十里踏徧好青鞵沙軟悵去年巷陌
東風又是壘泥新燕盼不到空迴醉眼愁欲絕難忘
嬌面斷腸慣是濃春銷魂更來故苑香聞何處悵萬縷
窗紗銀線待到家燼了孤鐙夢去夜深重見

又

俞瑒

細櫓衝煙晴波生縠輕風一路催暖曉容隱約雙娥指
點兩山深淺平蕪渺渺也都似繡茵鋪軟問踏青女伴

誰家半鞦韆，鬢邊飛燕。逢勝侶，暫舒青眼。更緩步輕攜，便面夾紗衫子。新裁曾記，杏花池苑。春光穠冶，偏繫與，垂楊如線。向酒闌，簡點閑情，早悔陌頭初見。

又

顧文淵

蔗雨晴初，榆煙禁後。晨光變，做妍暖。客邊些子閑愁，與春較來非淺。看人笑語，喜路匝，蘼蕪青軟。仗興來，陟徧層岡，抵暮攢迴歡燕。百五日，早驚轉。眼山水趣，旋開生面。柳條遠帶鷗沙，竹陰暗通鹿苑。花梢零亂，瞥睨了，風蕩殘線。莫近前，翠釧羅衣，濃態隔林遙見。

又

蔡燿

錦陌晴山詞仙酒舫春篙慢點波暖曉煙淡羃漁邨十里紅深翠淺提壺勸飲漸處處莎田茵輾看飛飛幾剪紅襟多是妝樓新燕過竹院俄驚老眼遮歌扇謾窺半面年年一度尋芳甚處倚桃舊苑回船催去但剩得柳陰垂線便歸來寫盡愁箋總有何人曾見

又

過羽宸

峭挂孤帆遠尋雙岫溶溶漲水新暎蕙紅谿岸桃舒嫩綠山邨草淺層巒古寺映幾樹垂楊輕輦一絲絲故拂行人勾引小鶯嬌燕望大海登高放眼懣恹石匉泉盪面朱闌斜綴長亭紅粉爭來法苑繡幃飄曳問越樣

誰家鍼線傍晚來羅襪凌波却喜恁時窺見

又

汪森

載酒尋山催詩訪侶單衣乍試微暝前谿小紫輕擗祇
愁碧流尙淺雨餘紫硤便潤逼芹泥香輭那更是片霎
相逢無數扇鸞釵燕登峭壁遙舒倦眼臨曲洛迤開
鏡面笙歌聽徧重樓鶯花誤疑茂苑嬉春未已蚤搖曳
愁心如綫謾醉歸鷗暝圓沙橋外柳陰猶見

又

汪文柏

鴨綠平橋猩紅夾岸波光樹色交暝禁煙時節纔過春
事二分非淺輕橈不點但坐穩半颿風輾望陰陰柳畔

妝樓盡捲画簾招燕。繫艇處晴峰照眼。撲蝶去游絲
吹面。鞦韆綵索閑來鄰娃共尋。曉苑爭新裙襪費多少
纖鍼采線儘夜歸分付清吟影倦一鐙誰見

木蘭花慢

送陸義山請假歸里

孫 暢

秋風生乍浦。香稻熟紫螯肥。任北地黃芽。薊丘紅杏。不
換尊綵。計自草堂人去。白蘋邊。猿鶴甚相思。昨日陳情
天上。宵來夢到漁磯。霏霏薄雪。一些兒爲爾洗塵緇。
向范蠡湖頭。林逋祠畔。好着荷衣。江楓此時盡脫。倩心
情。只有早梅知。高臥不聞朝請。隨他月落烏啼。

珍珠簾

題楓香詞

錢栢齡

等閒敲出紅牙句。多應是仙骨藐姑同賦。何似舊蘭臺
擅風流三楚。幾疊清商高雪苑。渾洗却黎雲杏雨良苦。
惹雙鬟十八爭持統素。那更叔夏蘋洲到寫生絕處。
頰毫輕度。若待捧吟時定。浣須微露。調笑郵亭情漫切。
縱怨極何曾薄。怒如訴。莫空江夜靜。一彈再鼓。

齊天樂

秋聲

查嗣璉

西風瑟瑟涼歸候。孤燈自搖窗戶。蛩轉花欄。蟬休葉院。

漆灑芭蕉絲雨纔聽又任正澹月朦朧微雲來去敧敧
空廊依稀人在繡簾語多應枕畔愁絕厭二十五更
好夢頻誤響玉池邊飄梧井畔一片雉分竹樹零礎斷
杵更空外飛來和成淒楚別有傷心天涯驚倦旅

遙送沈融谷之任嶺西

鄭 培

短長亭外分襟淚茸衫帶痕纔摺花落將離枝殘禁柳
怕向春明重折松窗夜月嘆千里登樓爲誰圓缺曾約
仙郎一鞭休負渡河節年年江上憶別者番燈底語
渾是淒切粵嶺攜琴齊門抱瑟須遣音書無歇征鴻謾
咽盼此際雙鳬定飛雲末多少吟悰翠箋能幾闌

筵上燈

柯煥

錦堂春日良游倦花底玉人初見歌徹繁聲舞迴長袖
欲把金樽相勸小鬟低喚教重帶籠紗一齊然遍此際
娉婷碎光迴閃玉容炫殷勤照人芳宴正逸爵參差
紅生酒面鰕鰕微流蘭心未燼何用并刀輕剪寒生色
淺共雅意藏鈎將伊時掩欲辨羸輸更移來試看

澡蘭香

秦淮午日燈船同黃俞邵徵君龔衡圃王事家
觀察兄賦

丁焯

汀蒲戰雨水荇牽風綠漲青溪渡口船張雪幔燈剪冰

九好趁浴蘭佳候聽十番鳳管鵲笙節接靈囀競奏舊
譜新聲尙是開元妙手 侵夜驪珠爭吐九井龍翻湧
開星斗波光激灩倒映闌干人面蒸霞中酒画簾中笑
語盈盈半露綳裙綉袖指簷角初月如鈎漫催清漏

喜遷鶯

贈張越千翠照亭

鄭 培

盧溝西去看一抹房山涼分亭午柳碧窗低芙蓉檻小
曲曲縈迴如縷髮髻鴛鴦湖上少箇嘔呀柔艣問誰在
數風流仍是舊時張緒 歸路算幾日卸却茸衫兩兩
歡迎處青鏤勾斜烏絲醉墨那省頻年羈旅縱有弄珠

鄉夢肯許鏡奩耽。誤應笑我甚，因循荒了園廬，畱住。

綺羅香

螢火

王庭

巧入簾中，偷過扇底，清簟俄流星影。乍遠因風，還被回
颿吹近。一點點移上羅衣，恰信道秋來光冷。爲叮嚀莫
去牆陰，且教畱伴夜闌永。香煙將斷金獸乍滅，蘭釭
胆小空房，私警熠熠微明，照徹深更愁醒。凝倦眼殘夢
難成，逗離情孤衾偏耿。卜人歸常比燈花，不知誰有準。

新安月潭贈別

賀國璘

映月朱樓，凌雲綺閣，奪目珠簾玉勒。彷彿天台初遇，劉

郎顏色來迴步紫電光移短長亭黃鸝聲咽自相逢落
拓吳儂此身忘却異鄉客漫道黯然將別只歎明朝
岐路天涯南北搔首凝眸正是春歸時節魂銷處無着
楊花興闌餘怕題蕉葉最難堪強撇愁顏道千金此刻

素馨花

一名那
悉茗

梅 慙

蠟影槎黃蟾痕護粉南海種誰攜取簇簇銀糝密約玉
川偕駐隨估船錦荔來時闌鄉澤水荇開處自生成別
樣幽妍羞將穠麗倚花譜芳名記那悉茗摘點茶清
小覷不勝斜嫵涼月娟娟寫出斷魂情緒私嗅解暈壓
微醒耐冷銷逼紗餘暑把鈿合匝住幽芬漏深相伴語

尉遲杯

題孫愷似梅泚詞

范 纘

絲絲雨望寒鴉歸向南村暮。瓶蘭影出燈邊移照研箋
攤處。月情風緒記孫郎曾渡楊花渡。恁尋來萬種奇香
却入螺奩收貯。爐灰重撥煨芋似貪看停車隔巷新
婦八字睂彎三分髻。爭不教人生妬。從此後夢牕休
數。應畱伴茶經和琴譜。但須防粉本流傳一一鶴聲偷
去。

二郎神

送願詞分賦門丞

莊末言

笑丞哉武曷不學老罷當路曷不學辛毗持節坐鎮長
是寄人庭戶金鎖綠沈無恙在做綵燕黏雞伴侶難道
愛一杯凍飲却勝英雄無主休任繩樞纔牖冷清清
處只合倚侯門相努目好作勢霍家奴怒画戟收時行
馬駐聽天半鐘聲欲曙有槐柳行邊二陸三潘向君延
佇世說二陸三潘森然與槐柳齊列

解連環

同柘西再送子韶

鄭培

翠箋題遍悵離亭酒盡夕陽遮面忍復見馬首蕭蕭但
哀柳亂鴉短衣長劒月冷銀河正凍合桑乾一片記年

時歷歷霜燈雨菊幾經山店。誰憐軟塵慣染有圍羞。
沈約嬾添中散想此去高閣江空映南浦晴雲半牀初
展寫得相思肯負了早春回雁謾婆娑兒女花前小窗
曉晏

望湘人

水仙

魏 坤

盼墻腰月淡籬角煙疎霜根雪裏催發短葉攢蔥駢枝
綴玉檀蓋擎來孤絕一點芳心相依歲晚忍教輕折料
冰姿只伴梅花不受春風窺蝶曾記繡簾低揭見數
莖揀向膽瓶幽澈正香冷窗紗飛上鬢雲凝結薄寒剪

剪襪塵微步未許銅盤吹滅對鏡裏幾曲屏山蹙起翠
波千疊

望海潮

黃鶴樓

鮑鼎銓

嵐氣浮空潮聲帶雨名區自說江湘赤壁崆峒庭浩
渺天邊不斷帆檣樓閣俯斜陽止煙雲萬里歸鳥千行
獨鶴飛回忽傳玉笛韻悠揚淒涼鸚鵡堪傷對萋萋
芳草滿眼滄桑夜靜月明濤生天上看來一片昏黃佇
立向茫茫有漁舟杳靄蘆荻青蒼把酒中流當年顧曲
想周郎

疎影

閨情

王翊

新寒剪剪。許畫樓小。慙呵。暈催倦。手控高簾。目閱長雲。
歸帆未有風。便鳥飛不到。吳天遠。嗟冷落。輕塵羅薦。寂
嫌他。青鏡關心。朝夕窺人愁面。尤恠。睂情變。綠兩蛾
小。闌處難穩。金釧繁緒。如絲暗織。黃昏除是燈花。曾見
蛩聲誰肯離。秋月閒喚起。一庭清怨。待聽闌獨宿。空房
枕。繡暖紅雙線。

梅影

吳全融

瓊枝比美。想臘寒就煖。春信誰是。莫道孤標。掩映橫斜。

同心一種相倚晨光浮動清香外向細細風前差擬爲
攀條遠寄閒情洗盡鉛華如此常照宮亭粉壁壽陽
夢乍醒空覓花底淺襯羅衫繡出輕盈驚看幾回疑似
愁他和月人偷摘漸避入回欄朱屐揮膽瓶銀燭移來
未許笛聲吹起

蝶影

離形撻末愛倚風玉樹依傍猶怯魂黯香消兩翅雙雙
悠悠颺颺輕潑相隨夢到東園裏敢獨自盤旋迴折借
鳳車遊戲芳林那管墮花飄葉學舞枝頭檐下游絲
挽不住春陰纔霎却卸簾前掠過紗窗髣髴翩翻便捷

閒尋引去苔茵側幾錯認墨花裙褶怨綺紈遮撲無情
怕上扇痕兜搭。

前題

戴王旭

好風如織趁纖纖翅薄穿來寂寂閃去珠簾又轉花房
欲傷柔條無力幡兒斜豔鈴兒密遮不住春晴消息恁
多情愛惜流光生怕暗中消歇香閨畫閒線帖間疎
枝上下飛度斜睨待繡榴裙擬画冰紈爭奈取青婉白
欄杆十二空凭遍墜輕粉依稀難識再逢他雨過西園
覷破綠陰微闕。

梅次姜石帚韻

周 質

空簾透玉揭瑩霜紙帳孤客棲宿幾縷微香何處飛來
知隔小溪叢竹銀蟾映處橫斜好掛翠羽伎南枝北池
露痕倍作淒清生性最宜幽獨 春色朝來乍到粉雲
澹護處苔冰消綠老幹槎枒嬾蕊晶瑩舊繞碧山吟屋
仙人姑射肌膚淨夢不斷幃圍屏曲儘咨嗟媚日搖風
苦了鮑家詩幅

黃梅花

沈季友

好花知否有點酥凝螭朶朶如繡嬌影臨風密蓓初圓
恰似磬兒脚口籠籠半剪檀痕在渾占盡小樓前後絕
勝他雪蘂冰條贏得翠雛清瘦 偏稱鏤金簪首與乳

鴉宮額杏子衫袖螺合盛來零亂繁英細把銀絲雙紐
天寒日晚誰堪寄料難到玉鬢人手向天涯拘得輕黃
一點暗香春透。

和秋錦咏秋柳韻

高 騫

橫江鵲首算青青曾幾搖落今驟黃映寒原玉露離離
空懷一片煙猴玲瓏葉底輕蟬翼藏不到雁風吹候尙
誰家小婦明粧出向西樓垂手飄泊吳儂如樹相看
無一語裂帛湖口逕轉斜陽滿目銷魂遠悵華門非舊
淒涼更挂梢頭月照冷夢頻回吟牖認幾條遠影紛紛
未數短籬花瘦。

惜餘春慢

次家補臣北上不果原韻

王倩

白眼摧殘黃金散盡壯志頻吹劍首
梨花夢裏柳絮風前誰向天涯旅
候猶憶南山敝廬春水魚肥秋風菊瘦
肯青鞋踏遍燕山夜月幾重雲岫
還自笑賣賦長門征塵撲面爭把一
經橫負漫愁黑髮且讀丹經絕勝華
陰騎狗况復宗風轉清江左吾家
當年耆舊看從前燕子飛回砌下
春生茸母

沁園春

賦得名士悅傾城

徐嘉炎

寫恨綠情憔悴支離看碧成朱記白雪窺臣墻頭宋玉
黃金買賦壚畔相如嶺外朝雲江濱桃葉一曲思歸嬌
綠珠陳王賦悵神光離合微步山隅鍾情我輩何殊
豈相望慙時相遇疎奈紫玉愁多漫尋韓重小喬命薄
空嫁周瑜態減清狂名辭薄倖無語傷神感逝餘風流
盡是清商子夜楚舞吳歎

吳興休文石

孟士楷

一片淒迷三尺玲瓏荒郊夕陽問風流何處六朝佳麗
支離猶在八詠家鄉石豈能言我來弔古沾取易程醉
幾場徘徊久見行間可認尙記蕭梁曾經絲雨繁霜

便瘦盡。苔膚似沈郎。嘆風清月白。亂縈溪水。藤纏蘚蝕。
只伴啼螳事已星沉。君仍鵲時。蔓草寒煙黯欲傷。休回
首。怕蘋洲。蓼岸也共悲涼。

寄徐初鄰金陵

查嗣璉

鐵鎖銷沉。江勢東來直下金焦。想笛簫。賽婆官風流舊步。
鼓迎龍戶。寂寞迴潮。啼煞棲鴉。滴闌晝漏。昨夢回頭覆
鹿蕉。與亾恨。最傷心兩字。怕說南朝。水亭閒話無聊。
但春去春來。惡景消。歎廢寢。墮垣棠花漠漠。故家門第。
燕羝飄飄。欲去誰留。欲歌誰拍。細馬初過。皂筴橋。無人
管。拚酒邊歸路。風墮鞭梢。

摸魚兒

蘆花

曹寅

繞汀洲。冥濛。皜皜。飄來剪剪。殘蠟盈巔。那計青天恨。明鏡依然。雙夾低昂。雲凝直似濃霜冷。浮芙蓉。匣重池百。袖量幾許。春溫搓綿。擘絮眠煞小花鴨。秋江夢猶憶。藤蘿月。匝。怒潮萬馬。騰踏長風。盡卸昆陽甲。難禁鵲鵝。嘈雜寒雲壓。到此日離披。一片銀貂。揔蒲帆。颯沓除冰。褪魚鱗。綠抽鶯嘴。方許載烏榼。

又

程麟德

記年時。圓沙淺水。芳洲一抹。煙黛秋芽。煖爆鸚哥嘴。倏

爾青天碧海風正大待刮到重陽幾日人如艾霜蒙髮
改更落泊傷心斷踪殘迹吹去楚天外如花也似雪
非花密灑漁人醉笠初解昨來帆艣凌波渡千點浪頭
同拜心更駭便認是細篩璧月鋪銀界酒壚夜買笑煖
被溫衣幾回相聚柳絮恁無賴

過牛完圃作呈外父

李符

掩重關綠陰深窈鶯聲都在高柳蘭橈添築松廊小難
認舊時窗牖槐雨驟悵買棹偏遲已是春歸候梅圓似
豆屏錦無香砌苔如洗閒煞掃花帚茅堂靜坐對
藥奩茶臼客來便瀉紅友橫山鈿朶飛蒼霞直到邏村

溪口。逋翁後算人境詩仙。只有水清裏漁蓑織就。肯相
借門前風潭百頃。一放釣絲否。

題沈南疑紫茜村莊圖

小村莊香茆葢屋。冷筠萬箇搖翠。柳絲榆莢紛無數。更
護廻闌幽砌。芳草地。剩仙令當年老鶴眠樹底。窗南竹
几。對花架紅深。茶煙青裊。籬曲短門閉。黃塵道忽慢
相逢燕市。倦游苦憶鄉里。鼠鬚付與雲林叟。寫出清幽
如此。圖画裏須認取。雙橋蘚柱流暗水。他時艇子。好艤
浦尊詩。隔溪喚酒共枕綠蓑睡。

寄龔蘅圃次沈覃九韻

周 質

隱冥濛。一螺天半。峒嶺猶涸。寒曉輕輿。小騎行來遠磴。
道曲穿叢篠。廻玩好。那更是白雲青靄。群峰繞蟠江望。
沓。駭風捲危瀾。蘆翻斷岸。千里迅飛棹。憑幽興細撥。
泉枯石老。松邊倦倚斜照。向禽五嶽追游事。婚嫁幾時
能了。蘿屋埽。共點筆畱將他日看重到。山靈爲笑。怎謝
傳來登瀛門坐。嘯都上郭熙稿。

餞梅

魏 坤

隔窗紗。幾聲羌管。愁心暗碎。瓊圃夜殘。夢斷羅浮月紙。
帳峭寒人妬。縈別緒。是歲晚相依曉。趁輕風去。銷凝甚
處。待硯滌紅絲。毫飛秀色。東閣砌愁句。家林近雪後。

纔添半樹，亭亭素手，延佇從今寂寞。煙村裏、瘦影橫斜，幾許。催燕語，尋一片春泥，綠茵埋香路。萍根且住，盼密葉牆陰，青丸如豆，枝上喚鳩雨。

秋暮

孫致彌

挂蒲帆、鯉魚風弱。吳淞江上，秋暝潮迴，沙尾圓紋沒點。點蘋花如鏡，相掩映、倩秋雪。菰雲譜出，寒波淨，眠鷗乍醒。漸牧笛橫煙釣船，吹火月黑，雁無影。尊鱸興，一片西風誰省。年年長負清景，松醪半凍，頗黎色不敵晚來愁凝。天水迴，待倚醉、高歌小海無人應。茫茫溟滓，怕驚起蛟龍，中宵嘯舞，電拂劍花冷。

送雲銘之漢陽

高 騫

向春潑鴨頭船。艤右安門畔。同住。筍輿藤帽。重相訪。小
閣茶煙朝暮。秋思苦。指似雪蘆花。細糝津亭路。因人又
去。悵兩扇書窗。半竿吟席。將隔幾行樹。殘年物。捫攢
香粳綠。醑家林。隨意延佇。東風一縷沙痕動。還逐晚程
行旅。深夜語。恠六槳迎潮。四聽瀟湘雨。閑愁如許。對神
女祠雲。郎官湖月。圓夢轉江渚。

春夜

梅 洽

漏沉沉。側身潛聽風狂。門外纔歇。強偎角枕。愁無寐。何
事柔情欲絕。衾未熱。空負却一庭花影。三更月。淒涼啼

鳩看蠟淚堆盤。爐煙裊慢，離恨有千疊。驚心處、回首
壁人久闊。音書不到，天末分明。西閣春寒，夜席上、簫聲
嗚咽。簾暗揭，憶此際、遷延微笑。秋波瞥。酒闌時節。記日
出紅簷，香銷翠被，雙腕皓如雪。

六州歌頭

九日臨江樓讌集同觀察家兄 丁 焯

江楓散錦，正露白霜稠。攜橘棗，帶萸佩，繫三騶。上層樓。
八境誇名勝，亮章水，通梅嶺。記昔日，斜山老，此曾遊。
誰念荒臺寂寞，看詞賦，尙識風流。嘆登臨我輩，今古幾
人留。身世悠悠，等虛舟。縱浮名好，輸在手，有杯酒可

忘憂兼檻外山似繪翠凝眸愛沙鷗點點來蘋渚相近
舞勸觥籌康樂醉饒逸興譜清謳喚起商飈瑟瑟多情
情帽肯戀吾頭笑問筵上客瘦比菊花秋因甚閒愁

小諾臯

長干塔

曹寅

馬度金川江沉鐵鎖舊事伽藍誰記問忉忉相輪風轉
寒鈴譯語九級支撐佛骨一段摩娑船背想登臨昔日
吳山破碎便是銅仙也流鉛水况浪蕩長干故里生小
識他名字琉璃塔古無比馴象馱來降龍飛去究竟
何勞彈指白毫光觀空不厭玲瓏如是排遍犬牙雁齒

幻作驚天拔地，漫怒號七十二門雷雨。且受旃檀勤施
果米放臘，八紅燈萬藥，任蠢動傾城羅綺。齊膜拜碧煙
底。

稍遍

紀遊

王暉

鳥語驚閨，樹影橫窗，知是天初霽。整苴鞦袖一卷奇書，
趁晴和，尋春遊戲。問東風，春光逗畱何處。東風似向郊
原指，看繡陌鋪青，芳隄垂綠。落霞紅映如綺，更蝶啣花
瓣，惹遊絲。遠徑有餘香，拂人衣。闌莽援泉，拾級登峰，塔
然倦矣。試曳杖，溪林竹陰，苔石堪閒憇。清景誰易得。

獨牽情在蘿薜。向石上攤書。尙論往昔。古人陪我。真良
并漸紅日西斜。牧驅犢返。茫茫煙水無際。但放懷嘯咏。
緩緩歸。已不覺城樓画角吹。挂松梢月兒初起。擎杯邀
取明月對影成三美。興來誰管蟬蛸。且暮且自頽唐徑。
醉竹牀安臥。更何知笑莊周栩栩多事。

瑤華集卷附二

名家詞話

俞彥曰詞何以名詩餘詩亾然後詞作故曰餘也非詩亾所以歌咏詩者亾也詞亾然後南北曲作非詞亾所以歌咏詞者亾也

詞全以調爲主調全以字之音爲主音有平是多是必不可移者間有可移者是有上去入多可移者間有必不可移者

古人好詞卽一字未易彈亦未易改子瞻綠水人家遠別本遠作曉爲古今詞話所賞愚謂遠字雖平然

是實境曉字無版着試通味全章便見少游斜陽暮
後人妄肆譏評托名山谷淮海集辨之詳矣又有人
親在郴州見石刻是斜陽樹樹字甚佳猶未若暮字
子瞻生平備歷危險而神宗讀其瓊樓玉宇高處不
勝寒曰蘇軾終是愛君此種遭際能令千古豔羨

劉體仁曰詞欲婉轉而忌複不獨不恨古人吾不見與
我見青山多嫵媚爲岳亦齋所誚卽白石之工如露
溼銅鋪與候館吟秋總是一法

詞字字有眼一字輕下不得如味美人足前云微褪
些跟過云不覺微尖點拍頻二微字殊草草

詞亦有初盛中晚不以代也牛嶠和凝張泌歐陽炯
韓偓鹿虔扈輩不離唐絕句如唐之初未脫隋調也
然皆小令耳至宋則極盛周張柳康蔚然大家至姜
白石史邦卿則如唐之中而明初比唐晚蓋非不欲
勝前人而中實枵然取給而已於神味處全未夢見
詞起結最難而結尤難於起蓋不欲轉入別調也呼
翠袖爲君舞倩盈盈翠袖搵英雄淚正是一法然又
須結得有不愁明月盡自有夜珠來之妙乃得

中調長調轉換處不欲全脫不欲明黏如画家開闔
之法

重字良不易錯錯與忡忡之類是也然須另出不是上句意乃妙

惟片言而居要乃一篇之警策詞有警句則全首俱動

詞須上脫香奩下不落元曲乃稱作手

竹枝柳枝不可徑律作詞然亦須不似七言絕句又不似子夜歌又不可盡脫本意盤江門外是儂家及會與美人橋上別俱不可及

長調最難工蕪累與癡重同忌襯字不可少又忌淺熟

霞散綺月沈鈞有勸而無諷其人去賦清平調者不知幾里然是鈞天廣樂氣象

周美成不止不能作情語其體雅正無傷見側出之妙

柳七最尖穎時有俳狎

文長論詩曰如冷水澆背陡然一驚便是興觀群怨應是爲備言借貌一流人說法溫柔敦厚詩教也陡然一驚正是詞中妙境

驟括體不作可也

賀裳曰詞雖以險麗爲工寔不及本色語之妙

詞雖宜於豔冶亦不可流於穢褻

小詞以含蓄爲佳亦有作決絕語而妙者如韋莊誰
家年少足風流妾擬將身嫁與一生休縱被無情棄
不能羞之類是也

詞之最醜者爲酸腐爲恠誕爲粗莽然險麗貴矣須
弑其鏤劃之痕乃佳

詞家用意極淺然愈翻則愈妙

作險韻者以妥爲貴

作詞不待用事用之妥切則語始有情

毛澤民酒濃春入夢窗破月尊人此晚唐五律佳境

也

蘇子瞻有銅喉鐵板之譏然其浣溪紗春閨日綵索
身輕常趁燕紅窗睡重不聞鶯如此風調令十七八
女郎歌之豈在曉風殘月之下

蔣捷用騷體作水龍吟招梅魂奇耳固未爲妙

小詞須風流蘊藉作者當知三忌一不可入漁鼓中
語言二不可涉演義家腔調三不可像優伶開場時
敘述偶類一端卽成俗劣

毛先舒曰詞家刻意俊語濃色此三者皆作者神明然
須有淺淡處平處忽著一二乃佳耳

李易安春情清露晨流新桐初引用世說全句渾妙
嘗論詞貴開宕不欲沾滯忽悲忽喜乍遠乍近所爲
妙耳

藝苑卮言云填詞小技尤爲謹嚴夫詞宜可自放而
元美乃云謹嚴知詞故難作作詞亦未易也

彭孫遘曰詞以自然爲宗但自然不從追琢中來便率
易無味

美成詞如十三女子玉豔珠鮮政未可以其軟媚而
少之也

詞人用語助入詞者甚多入豔詞者絕少惟秦少游

悶則和衣擁新奇之甚用則字亦僅見此詞

詞家每以秦七黃九並稱其實黃不及秦甚遠猶高之視史劉之視辛雖齊名一時而優劣自不可掩

詞以豔麗爲本色要是體制使然如韓魏公寇萊公趙忠簡非不冰心鐵骨勲德才望昭映千古而所作卜詞有人遠波空翠柔情不斷如春水夢回鴛帳餘香嫩等語皆極有情致盡態窮妍乃知廣平梅花政自無礙豈儒輒以爲恠事耳

近人詩餘雲間獨盛然能作景語不能作情語

童以寧曰嚴給事與僕論詞云近日詩餘好亦似曲僕

謂詞與詩曲界限甚分似曲不可似詩仍復不佳譬
擬六朝文落唐音固卑上侵漢調亦覺僭父

鄒祇謨曰已丑庚寅間常與文友取唐人尊前花間集
宋人花庵詞選及六十家詞摹倣體調將遍因爲錯
綜諸家考合音節見短調字數多協而長調不無出
入以是知刻舟記柱非善用趙卒者也

古人由詞而製調故命名多屬本意後人因調而填
詞故賦寄率離原辭

余常與文友論詞謂小調不學花間則當學歐晏秦
黃花間綺琢處於詩爲靡而於詞則如古錦紋理自

有黯然異色歐晏蘊藉秦黃生動一唱三嘆總以不盡爲佳

阮亭常爲予言詞至雲間幽蘭湘真諸集言內意外已無遺議柴虎臣所謂華亭腸斷宋玉魂消稱諸妙合謂欲端請斯言論詩未允論詞神到所微短者長篇不足耳北宋諸家大率如是正如嘉州右丞不能爲工部之五七排體自足名家

稼軒雄深雅健自是本色俱從南華冲虛得來

味物固不可不似尤忌刻意太似取形不如取神用事不若用意

賀黃公云生平不喜集句詩以佳則僅一斑爛衣不
且百補破衲也至詞則尤難神合

王次公云詞曲家非當行本色雖麗語博學無用麗
語而復當行不得不以此事歸之雲間諸子

長調惟南宋諸家才情蹀躞盡態極妍阮亭常云詞
至姜吳將史有秦李所未到者正如晚唐絕句以劉
賓客杜紫微爲神詣時出供奉龍標一頭地

詩語入詞詞語入曲善用之卽是出處襲而愈工

王士禎曰絕調不可強擬近張杞有和花間詞一卷雖
不無可採要如妄男子遍擬十九首與郊祀饒歌耳

或問花間之妙曰蹙金結繡而無痕跡問草堂之妙曰采采流水蓬蓬遠春

唐無詞所歌皆詩也宋無曲所歌皆詞也宋諸名家要皆妙解絲肉精於抑揚抗墜之間故能意在筆先聲叶字表

張南湖論詞派有二一曰婉約一曰豪放僕謂婉約以易安爲宗豪放惟幼安稱首二安皆吾濟南人難乎爲繼矣

或問詩詞詞曲分界予曰無可奈何花落去似曾相識燕歸來定非香簌詩良辰美景奈何天賞心樂事

離家院定非草堂詞也

瑤華集卷附二

沈氏詞韻畧

杭州沈謙去幹著

東董韻平上去三聲○平一東二冬通用

東冬卽今詩韻後俱倣此

○仄上一董二腫去一送二宋通用

江講韻平上去三聲○平三江七陽通用○仄上三講

二十二養去三絳二十二漾通用

支紙韻平上去三聲○平四支五微八齊十灰半通用

十灰半如同梅催杯之類

○仄上四紙五尾八霽十賄半去四寘五

味八霽十一隊半通用

十賄半如梅雷腿餒之類十一隊半如妹碎吠廢之類

魚語韻平上去三聲○平六魚七虞通用○仄上六語

七麌去六御七遇通用

佳蟹韻平上去三聲○平九佳十灰半通用

十灰半如才來開猜

類○仄上九蟹十賄半去九泰十卦半十一隊半通用

十賄半如海宰改采之類十卦半如賣敗戒拜之類十一隊半如代在再賽之類

真軫韻平上去三聲○平十一真十二文十三元半通

用

十一元半如魂痕村恩之類

○仄上十一軫十二吻十三阮半去

十二震十三問十四願半通用

十三阮半如損村穩狠之類十四願半如悶嫩

困襖之類

元阮韻平上去三聲○平十三元半十四寒十五刪一

先通用

十三元半如言軒煩翻之類

○仄上十三阮半十四旱十五

潛十六銑去十四願半十五翰十六諫十七霰通用三十

阮半如遠蹇晚反之類十四願半如萬縵怨參之類

蕭篠韻平上去三聲○平二蕭三肴四豪通用○仄上十七篠十八巧十九皓去十八嘯十九效二十號通用歌哿韻平上去三聲○平五歌獨用○仄上二十哿去二十一箇通用

麻馬韻平上去三聲○平六麻獨用○仄上二十一馬去十卦半二十二禡通用十卦半如掛話之類

庚梗韻平上去三聲○平八庚九青十蒸通用○仄上二十三梗二十四迥去二十四敬二十五徑通用

尤有韻平上去三聲○平十一尤獨用○仄上二十五有去二十六宥通用

侵寢韻平上去三聲○平十二侵獨用○仄上二十六寢去二十七沁通用

覃感韻平上去三聲○平十三覃十四鹽十五咸通用○仄上二十七感二十八琰二十九賺去二十八勘二十九豔三十陷通用

屋沃韻入聲○仄一屋二沃通用

覺藥韻入聲○仄三覺十藥通用

質陌韻入聲○仄四質十一陌十二錫十三職十四緝

通用

物月韻入聲○仄五物六月七曷八黠九屑十六葉通用

合洽韻入聲○仄十五合十七洽通用

毛先舒曰先舒按填詞之韻大畧平聲獨押上去通押然間有三聲通押者如西江月少年心換巢鸞鳳之類故沈氏於每部韻俱總繞三聲而中又明分平仄凡十四部至於入聲無與平上去通押之法故後又別爲五部云又按唐人作詞多從詩韻宋詞亦有謹守詩韻不旁通者蓋用韻自惡流濫不嫌謹嚴也

併識於此

毛奇齡曰詞本無韻故宋人不製韻任意取押雖與詩韻相通不遠然要是無限度者予友沈子去矜創爲詞韻而家稚黃取刻之雖有功於詞甚明然反失古意假如三十韻中惟尤是獨用若東冬江陽魚虞皆灰支微齊寒刪先蕭肴豪覃鹽咸則皆是通用此雖不知詞者亦曉之何也獨用之外無嫌韻通韻之外更無犯韻則雖不分爲獨爲通而其爲獨爲通者自了也然嘗記舊詞尙有無名氏魚游春水一詞奈樓東風裏輕拂黃金縷通紙於語張仲宗之漁家傲

短夢今宵遠到否荒村四望知何處通語於有者若以平上去三聲通轉例之則支通於魚魚通於尤必以支紙一韻魚語一韻限之未爲無漏也至若真文元之相通而不通於庚青蒸庚青蒸之相通而不通於侵此在詩韻則然若詞則無不通者他不具論祇據阮郎歸一調有洪叔嶼王山樵二作中云晴光開五雲扶春來遠林相呼試看燈何曾一字真今朝第幾程則已該真文元庚青蒸侵有之其在上去則祇據朱希真詞人情薄似秋雲不須計較苦勞心萬事元來有命更逢一朵花新片時歡笑且相親明日陰

晴未定其無不通轉可知而謂真軫一韻庚梗一韻
侵寢一韻是各自爲說也其他歌之與麻未必不通
寒之與鹽未必不轉但爲發端尙俟踵事至如入韻
則洵口揣合方音俚響皆許入押而限以屋沃一韻
覺藥一韻質陌錫職緝一韻物月曷黠屑葉一韻合
洽一韻凡五韻則試以舊詞考之張安國滿江紅詞
有高丘喬木望京華迷南北句則通屋於職晏叔原
春情有飛絮遶香閣意淺愁難答韻險還慵押月在
庭花舊園角則又通覺與藥與合與洽孫光憲謁金
門有云箇不得畱得也應無益揚州初去日又云却

美彩鸞三十六孤鸞只一隻則又通質陌錫職於屋
若蘇長公赤壁懷古是念奴嬌調其云千古風流人
物人道是三國周郎赤壁捲作千堆雪雄姿俊發一
樽還酹江月鮮于伯機亦有是調云雙劍千年初合
放出群龍頭角極目春潮闊年年多病如削張于湖
是調有云更無一點風色着我扁舟一葉妙處難與
君說穩泛滄浪空闊萬象爲賓客不知今夕何夕則
是旣通物月與屑與錫又通覺藥與曷與合而又合
通陌職與曷與屑與藥與緝是一入聲而一十七韻
展轉雜通無有定紀至於高賓王霜天曉角之通陌

錫職緝詹天游霓裳序中第一之通月曷職緝王昭
儀滿江紅之通月屑錫職皆屬尋常可無論已且夫
舌之音俯向僅見之陳琳賦中凡廣韻切韻集韻諸
書俱無此音若北之音卜則不特從來韻書無是讀
押卽從來字書亦竝無是轉切此吳越間鄉音誤呼
而竟以入韻此何謂也且昔有稱閩人林外題垂虹
橋詞不知誰氏後流傳入宮禁羣宗讀之笑曰鎖與
老押則鎖當讀掃此閩音也及訪之果然向使宋有
定韻則此詞不宜流傳人間而羣宗以同文之主韻
例不遵亦安得反爲曲釋且未聞韻書無此押字書

無此音自上古迄今偶一見之鄉音之林外而公然
讀押壇爲故事則是詞韻之了無依據而不足推求
亦可驗已况詞盛於宋盛時不作則毋論今不必作
萬一作之而與古未同則揣度之胸多所兀臬從之
者不安而刺之者有間亦何必然

西河洞曉音律爲詞學宗師其推駁宋韻嚴辨出入
至精且晰然以去矜之書爲不必作則又矯枉過其
正矣夫謂音聲比合隨俗調叶雖不知詞者曉之似
也而五方言語各從其鄉不以中州爲準的則彼此
叅錯岷峨濫觴其流將不可止豈非詞學之憂乎去

矜之書蓋重有憂也斥去矜之書而聽之時俗之揣
度譬之因噎而廢食也今立說者宜如何詩盛於唐
而唐人不別爲韻書詞者詩之餘詞盛於宋則處宋
人之後其不必求異於唐亦明已去矜之書本以詞
調曼衍寬其約法使人易遵而自放者尙軼而過之
竊思唐代諸名家所爲排體最富至百十韻者其布
置豈不倍難於詞而未聞有所通借則作者之工拙
妍醜信不繫乎韻之寬與嚴也去矜之論從乎寬西
河之意嚴而其論愈失之寬讀者勿以詞害意而一
奉休文之韻爲宗則兩家之說可息矣附筆於此以

俟高明論定焉陽羨後學蔣景祁